

ZAPISNIK
O RADU 14. RADNE SJEDNICE SKUPŠTINE KANTONA SARAJEVO ODRŽANE
26.02.2024.GODINE SA POČETKOM RADA U 10,00 SATI

Četnaestu radnu sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 29 zastupnica i zastupnika, dok su se ostali priključili u toku sjednice.

U skladu s naprijed iznesenim, prisustvo zastupnika 14. Radnoj sjednici je bilo sljedeće:

SDA - STRANKA DEMOKRATSKE AKCIJE

1. Izetbegović Sebija
2. Kalem Adi
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pabrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić-Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Pilav Ilijaz
3. Vujović Vedrana
4. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

U radnom dijelu sjednice, predsjedavajući je istakao da je Prijedlog dnevnog reda 14. Radne sjednice Skupštine Kantona Sarajevo utvrdio Kolegij Skupštine sjednicama održanim dana 09.02.2024.godine i 22.02.2024.godine, kada je izvršena dopuna istog.

Potom je pozvao zastupnike da se izjasne o predloženom Dnevnom redu.

Nakon glasanja, konstatovano je da je Dnevni red 14. Radne sjednice Skupštine Kantona Sarajevo usvojen jednoglasno (s 28 glasova „za“), i glasi:

1. Poslanička/zastupnička pitanja inicijative i odgovori;
2. Prijedlog Odluke o proglašenju Udruženja za podršku porodicama sa djecom i osobama sa poteškoćama u razvoju “Colibri” udruženjem od posebnog interesa za Kanton Sarajevo;
3. Prijedlog Odluke o proglašenju “Udruženja roditelja ubijene djece Sarajeva 1992.-1995.” udruženjem od posebnog interesa za Kanton Sarajevo;
4. Prijedlog Zakona o izmjenama i dopunama Zakona o dopunskim pravima boraca-branitelja Bosne i Hercegovine-skraćeni postupak;
5. Nacrta Urbanističkih planova:
 - a. Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) sa nacrtom Odluke o provođenju Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća);

- b. Urbanističkog plana za urbano područje Ilijaš sa nacrtom Odluke o provođenju Urbanističkog plana za urbano područje Ilijaš;
 - c. Urbanističkog plana za urbano područje Hadžići sa nacrtom Odluke o provođenju Urbanističkog plana za urbano područje Hadžići;
 - d. Urbanističkog plana za urbano područje Trnovo sa nacrtom Odluke o provođenju Urbanističkog plana za urbano područje Trnovo;
6. Prijedlog Zaključka o stavljanju van snage Zaključka Skupštine Kantona Sarajevo broj: 01-04-3436-6/20 od 25.02.2020. godine;
 7. Prijedlog Zakona o novčanim podsticajima u poljoprivredi i ruralnom razvoju na području Kantona Sarajevo;
 8. Nacrt Zakona o zakupu poslovnog prostora;
 9. Prijedlog Odluke o stavljanju van snage Odluke o ličnom učešću osiguranih lica u troškovima korištenja zdravstvene zaštite i snošenju troškova liječenja na teritoriji Kantona Sarajevo („Službene novine Kantona Sarajevo”, broj: 11/00, 28/01, 8/03, 16/04 i 28/04 - Prečišćeni tekst);
 10. Prijedlog Odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
 11. Prijedlog Odluke o izmjeni Odluke o imenovanju predsjednika, zamjenika predsjednika i članova Odbora za javna priznanja Kantona Sarajevo;
 12. Prijedlog Odluke o davanju saglasnosti na zaključivanje Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalazi u sklopu Informativno-edukacionog centra na Bijambarama, između ugovornih strana: Kantonalne javne ustanove za zaštićena prirodna područja Kantona Sarajevo kao zakupodavca i Ugostiteljske radnje "OAZA-DINO B" kao zakupca, koji je izabran putem Javnog oglasa;
 13. Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o zasnivanju prava građenja na nekretnini označenoj kao k.č. broj 2182/160 gradilište ukupne površine 286 m² z.k. ul. broj 3375 K.O SP_Kijevo koji namjeravaju zaključiti Zavod za izgradnju Kantona Sarajevo kao vlasnik opterećene nekretnine i Grad Sarajevo kao nosilac prava građenja, bez naknade;
 14. Prijedlog Odluke o davanju saglasnosti na Program rada i Finansijski plan Javne ustanove „Fond Memorijala Kantona Sarajevo“ za 2024. godinu;
 15. Prijedlog Odluke o izmjenama Odluke o obaveznoj preventivnoj sistematskoj deratizaciji na području Kantona Sarajevo („Službene novine Kantona Sarajevo“, broj: 22/13, 36/13 - Ispravka, 23/16, 27/16, 7/17, 41/19, 42/19, 44/22 i 48/22);
 16. Prijedlog odluke o davanje naziva novoizgrađenoj ulici na području Općine Centar Sarajevo - MZ "Hrastovi-Mrkovići" u novi naziv: ulica „Hajrudina Ivazovića-Bebana”;
 17. Prijedlog odluke o promjeni naziva dijela ulice na području Općine Centar Sarajevo - MZ "Hrastovi-Mrkovići" u novi naziv: ulica „Elvisa Husakovića Elija”;
 18. Izvještaj Ministarstva saobraćaja Kantona Sarajevo o utvrđivanju broja slobodnih dopunskih taksi oznaka;
 19. Izvještaj o poslovanju Kantonalnog javnog preduzeća “Veterinarska stanica” d.o.o. Sarajevo za 2021. godinu;
 20. Izvještaj o poslovanju Kantonalnog javnog preduzeća “ZOI '84” Olimpijski centar Sarajevo d.o.o. Sarajevo za 2022. godinu;
 21. Izvještaj o poslovanju Kantonalnog javnog preduzeća „Poljoprivredno dobro Butmir” d.o.o. Sarajevo-Ilidža za 2022. godinu;
 22. Izvještaj o radu Vlade Kantona Sarajevo za period od 01.01.2022. godine do 31.12.2022. godine.

Predsjedavajući je pročitao informativne materijale koji su dostavljeni zastupnicima:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec novembar 2023. godine;
- Informaciju o provođenju Zakona o prijavljivanju i postupku provjere podataka o imovini nosioca javnih funkcija u Kantonu Sarajevo.

Potom je predsjedavajući pozvao zastupnike da se izjasne o dostavljenim zapisnicima.

*Nakon izjašnjavanja konstatovano je da je **Zapisnik s Devete radne sjednice Skupštine Kantona Sarajevo, održane 03.10., 4.10., 11.10. i 18.10.2023.godine, jednoglasno usvojen** (s 28 glasova „za“).*

*Također, **Zapisnik s Desete radne sjednice Skupštine Kantona Sarajevo, održane 25.10., 07.11., 14.11. i 05.12.2023.godine, je usvojen jednoglasno** (s 29 glasova „za“).*

TOK SJEDNICE

Realizacija prve tačke dnevnog reda.

AD – I.

POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući je otvorio tačku dnevnog reda i dao riječ prvoj prijavljenoj zastupnici.

Zastupnica Fatima Gavrankapetanović-Smailbegović je podnijela sljedeće (citiramo): „Ja danas imam inicijativu koju upućujem ministru zdravstva dr Enisu Hasanoviću. Naime, na osnovu informacija roditelja djece za poteškoćama u razvoju i informacija iz Javne ustanove Dom zdravlja Kantona Sarajevo, Kantona Sarajevo ne posjeduje osnovnu opremu za rad logopedskih kabineta, a to je Vehinger aparat i vibrafon. Roditelji su primorani svoju djecu kojoj je potrebna ta vrsta pomoći, voditi u privatne ordinacije, voditi ih van granica naše zemlje, izdvajati ogroman novac za to. Trenutno je 18 zaposlenih logopeda od 2018. godine na 8 opština Kantona Sarajevo. Podnosim vam inicijativu da provedete istraživanja, evaluaciju rada i potrebe uposlenika kako bi se udovoljilo zahtjevima roditelja djece sa poteškoćama u razvoju i pomogli toj djeci kojoj je ta vrsta pomoći potrebna. Također, upućujem inicijativu da se kroz rebalans budžeta uvrsti nabavka ovih aparata, kao i aparat Lokomat. Imam još 1 pitanje, također, za ministra zdravstva dr Enisa Hasanovića. Kada ćete refundirati Esencijalnu listu lijekova da bi proširili prava bolesnika? Kada ćete staviti lijek Metotrexat, oralni supkutani na Esencijalnu listu lijekova za pacijente koji boluju od reumatoidnog artritisa, a nisu na biološkoj terapiji? Molim usmeni odgovor i zahvaljujem se“.

Zastupnica Vedrana Vujović je podnijela sljedeće (citiramo): „Ja za danas imam jedno pitanje i dvije inicijative. Prvo pitanje upućujem ministru Admiru Katici da li će oblast slobode okupljanja u Kantonu Sarajevo biti uređena u skladu sa međunarodnim standardima i preporukama OSCE-a, Evropske komisije i preporuka organizacija civilnog društva, a na način da se izvrše izmjene postojećeg Zakona o slobodi okupljanja Kantona Sarajevo ili donese novi zakon i kada? Kraće obrazloženje. Podsjećam da je posljednja radna grupa krajem 2021.godine završila sa radom na Nacrtu zakona, ali da, taj zakon je nikad upućen u proceduru. Početkom 2022. godine predstavnici međunarodne zajednice su se obratili ministru Katici sa pismom u kojem skreću pažnju na potrebu usklađivanja propisa sa međunarodnim standardima u ovoj oblasti. I od tada do ovog momenta se nije ništa desilo po ovom pitanju, pa me, evo, zanima kada će se to desiti i kada ćemo dobiti ili izmjene zakona ili novi zakon, jer je ovaj sadašnji, ima pretjerano, propisuje obaveze prema organizatorima, voditeljima i redarima i generalno druga pitanja nisu jasno

istaknuta u izvještajima, odnosno treba se propisati i urediti sve ono što je već u ranijim preporukama međunarodnih i domaćih organizacija. Zastupničku inicijativu upućujem prema Vladi Kantona Sarajevo da u drugoj polovini '24.godine, odnosno prilikom izrade Rebalansa budžeta Kantona Sarajevo ili preraspodjele sredstava, predvidi i sredstva u iznosu od približno 5 500 000 maraka za isplatu razlike iznosa pojedinačnih subvencija za rješavanje stambenog pitanja mladih po javnom pozivu iz 2023. godine u visini od 10.000 maraka. Vlada Kantona Sarajevo 23. oktobra prošle godine objavila je javni poziv za subvencioniranje rješavanja stambenog pitanja mladih, što od 2017. godine je postala praksa kao vid podrške mladima. I pojedinačne subvencije su iznosile od deset hiljada maraka. Ove godine, odnosno po prošlom javnom pozivu mladima isplaćeno 4.816 maraka, umjesto umjesto dosadašnjih deset hiljada maraka, što je do sada dostignuti standard, te upućujem inicijativu da s tim u vezi tražim da se prilikom izrade i Rebalansa budžeta ili preraspodjele sredstava ovaj novac osigura. I još jednu zastupničku inicijativu upućujem u ime Kluba Demokratske fronte za zakazivanje hitne sjednice Skupštine Kantona Sarajevo po pitanju sigurnosti u Kantona Sarajevo. Obrazloženje: imajući u vidu da je duži vremenski period ozbiljno narušena sigurnosna situacija u Kantonu Sarajevo, te da je jutros 26. februara na Mejtašu u blizini Osnovne škole "Musa Čazim Čatić" bačena eksplozivna naprava, u ime Kluba Demokratske fronte, što je treći puta ovaj mjesec, podnosim inicijativu da se zakaže hitna sjednica po ovom pitanju. Molim Skupštinu da se o ovoj posljednjoj inicijativi o hitnoj sjednici i izjasni. Istu ću dostaviti i pismenim putem“.

Zastupnik Faruk Selmanović je podnio sljedeće (citiramo): „Danas imam dva pitanja i jednu inicijativu. Moje prvo pitanje odnosi se našem premijeru Nihadu Uku i zamolio bih da nam ga usmeno odgovori danas. Znači pripremajući za ovu Skupštinu naišao sam na Službene novine Kantona Sarajevo broju 5/24 u kojem je objavljena Uredba o dopuni Uredbe o osnivanju kabineta premijera Kantona Sarajevo koji je donijela Vlada Kantona Sarajevo na sjednici 25.01.24 godine i kojom se utvrđuje da Kabinet premijera ima svojstvo pravnog lica. Moje pitanje glasi: koja je to priroda poslova koja zahtjeva da Kabinet premijera Kantona Sarajevo ima svojstvo pravnog lica, te da li je s tim u vezi Kabinet premijera Sarajevo upisan u registar, te koji su pravni osnovi da Kabinet po pismenom nalogu premijera Kantona Sarajevo odobrava korištenje sredstava tekućih rezervi, te izvršava sve druge finansijske naloge za koje je odgovoran premijer Kantona Sarajevo i Vlada, kako je navedeno u Uredbi o osnivanju kabineta, a shodno važećim Zakonima o budžetu i izvršenju budžeta? Pa molim premijera da nam na ovo usmeno odgovori. Moje drugo pitanje odnosi se, odnosno upućeno je Javnoj ustanovi "Memorijalni centar Sarajevo" i ministru za boračka pitanja da li su, da li su Skupština Kantona Sarajevo kao osnivač, te i Upravni odbor i Nadzorni odbor Memorijalnog centra Sarajevo bili upoznati sa raspisivanjem i objavom javnog poziva za izradu novog logotipa, kao i njegovom izradom i objavom novog logotipa Memorijalnog centra Sarajevo? Pa molim i usmeno i pismeni odgovor na ovo pitanje. Imam jednu inicijativu, inicijativu upućujem Vladi Kantona Sarajevo i Ministarstvu saobraćaja Kantona Sarajevo. Znači, inicijativa se odnosi na osobe sa invaliditetom koji često se suočavaju sa izazovima u svakodnevnim aktivnostima, a pristup prijevozu često predstavlja jedan od ključnih problema sa kojim se suočavaju. Besplatan javni prijevoz za osobe s invaliditetom doprinosi socijalnoj pravdi i jednakosti, pružajući im jednake mogućnosti za pristup resursima, obrazovanju, zaposlenju i ostalim vitalnim uslugama koje nudi Kanton Sarajevo. Unapređenje kvaliteta života kroz besplatni prijevoz je krucijalno važan za mogućnost osoba s invaliditetom, veću autonomiju i nezavisnost, unapređujući tako, njihov kvalitet života. Važno je za istaknuti da inkluzivnost, promoviranje se inkluzivnost društva koje poštuje potrebe svih svojih građana i bez obzira na njihove fizičke sposobnosti. Osobe sa invaliditetom moraju imati pravo na besplatan prijevoz u javnom prijevozu kako bi im se omogućila sloboda kretanja unutar Kantona Sarajevo. Osoblje javnog prijevoza treba biti obučeno kako da im pruži podršku osobama s invaliditetom kako bi osigurali sigurnost pristupu putovanju. Ova inicijativa ima za cilj stvaranje inkluzivnog i pravednog društva u kojem svaki građanin, bez obzira na svoje sposobnosti, može uživati u

pravima i resursima koje Kanton Sarajevo nudi. Besplatan javni prijevoz za osobe s invaliditetom predstavlja korak ka ostvarivanju ovog cilja. Ovu ću inicijativu naravno dostaviti i u pisanoj formi”.

Zastupnik Damir Marjanović je podnio sljedeće (citiramo): „Dva pitanja i jedna inicijativa. Uvaženom ministru Hasanoviću s kojim, odmah naglašavam, imam izuzetno korektan odnos i odličnu suradnju i siguran sam da ću se nakon ovoga nastaviti. Želim samo da ga informiram da sam u kontaktu sa ljudima iz Apoteka Sarajevo pojedinim članovima Upravnog odbora dobio nekih 12 dokumenata gdje su se Apoteke Sarajevo obraćale pretežno bivšem ministru, a vezano za određene probleme i da nikada nisu dobili konkretne, i zvanične odgovore na to, na njihova pitanja. Znam da sada u timu ima također fenomenalnu ekipu, koja jako dobro poznaje tu problematiku. Nadam se da mi neće zamjeriti što ću mu ove dokumente sada dostaviti i zamoliti ga da što prije se uključi rješavanje, rješavanje problema koji su manje-više poznati svima. Čak smo imali javne istupe bivšeg ministra ovdje u Skupština KS, koji je rekao da će te probleme riješiti. Pa siguran sam sada da će kolega Hasanović, kada već polako sređuje stvari u svom resoru, imati priliku i oko toga da se pozabavi. Drugo pitanje uvaženom premijeru Nihadu Uku. Znam da ste prezauzeti, ali čini mi se da je bio neki dogovor da obavite sastanak sa ljudima, stanarima Kvadranta čije su zgrade izgorile, u stvari čije su zgrade značajno oštećene prilikom ovoga poznatoga požara. Koliko mi je poznato i koliko su me informirali oni su dobile određenu pomoć od strane Općine Novi Grad iznos nekih 14 000 maraka. A ne zamjeraju, da pače, samo mole ako možete da ih primite da vidite kako dalje da se riješi jer stvarno neke stvari tamo već postaju poprilično, čak i neuslovne za život, ma da se radi o vanjskom oštećenju, a vanjsko oštećenje, posebno u vremenskim uvjetima kakve sada vladaju, mogu da dovedu do oštećenja i unutra. Tako da, molim vas, ako možete, neću reći, da ispunite svoje obećanje, znam da uvijek ispunjavate, ali primite ljude pa razgovarajte sa tom ekipom. I na kraju najavljujem inicijativu koju ću sada dostaviti i službama, tražit ću da se glasa o njoj, inicijativa je vrlo jednostavna pošto mi se čini da je to jedini način da pričamo o tome, inzistirat ću i pokrenut ću inicijativu da se na sljedećoj sjednici jedna od tačaka obavezni bude Tačka organizirane od strane Ministarstva za odgoj i obrazovanje, Izvještaj o procesu reforme obrazovanja, kurikularne reforme i izvještaj o svemu onome što se dešavao u proteklome periodu, trenutnome statusu i budućim planovima. Kao što rekoh, dostavit ću inicijativu u narednih 15 do 20 minuta i tražiti da se Skupština, da se izjasni o tome. Poznato mi je da realizacija ove inicijative ne zahtijeva nikakva financijska sredstva, tako da mislim da ne treba Vlada da se o njoj očituje“.

Zastupnik Redžo Lemezani je podnio sljedeće (citiramo): „Za danas imam dvije inicijative. Prva ide prema Ministarstvu zdravstva Kantona Sarajevo za nabavku većeg broja defibrilatora i postavljanja na više lokacija u Kantonu Sarajevo, gdje se okuplja veći broj ljudi. Ovaj aparat koji često može život spasiti., Sarajevo ima samo 6, dok npr gradovi regiona kao što su Zagreb i Beograd imaju 80, odnosno 50. Također, ukoliko bi se nabavili i postavili potrebno bi bilo odrediti mapiranje i isto postaviti na Internet ili na neke javne oglasne ploče. Druga inicijativa jeste prema Turističkoj zajednici Kantona Sarajevo za izradu makete grada Sarajeva, te nakon te eventualno nakon izrade da se postavi na nekoj od popularnih turističkih destinacija, kako bi turistička ponuda Kantona Sarajevo bila još veća. Siguran sam da bi eventualno izrada ove makete Kanton Sarajevo dobio još jedan svoj simbol“.

Dopredsjedavajuća Danijela Kristić je podnijela sljedeće (citiramo): „Ja ću danas imati i dvije inicijative i dva zastupnička pitanja. Podnosim inicijativu da se psihijatri uključe u multisektorske sastanke u školama. Obrazloženje: od trenutka kada školski psiholog kod učenika utvrdi da postoji neki od oblika neprihvatljivog ponašanja, učenik biva od strane psihologa, a uz suglasnost roditelja upućen psihijatru, no međutim, prema informacijama koje posjedujem, postoji

evidentan problem kada je riječ o zakazivanju termina kod psihijatra za učenike kod kojih je ustanovljen neki od oblika neprihvatljivog ponašanja. Stoga smatram da bi uključivanje psihijataru, multisektorske sastanke u školama značajno doprinijelo efikasnoj detekciji problema i rješavanju istog. Druga inicijativa ovim putem podnosim inicijativu da se izvrši revizija odobrenih kvota za upise na magistarski studije po različitim smjerovima, da se razmotri opcija povećanja kvota upisa studenata koji se nalaze u statusu samofinansirajućih i vanrednih na pojedine smjerove na kojima postoji povećan interes, a izvrši smanjenje kvote na one smjerove za koje ne postoji interes. Zastupničko pitanje prema Ministarstvu unutrašnjih poslova i Upravi policije Kantona Sarajevo. Molim vas za informaciju koji je broj policijskih službenika koji je primljen na posljednjem konkursu raspoređen i nastavio svoj rad direktno na terenu, a koliko policijskih službenika je rad nastavilo u kancelarijama? Također, prema Ministarstvu unutrašnjih poslova i Upravi policije Kantona Sarajevo. Molim vas vam dostavite tačan broj uposlenika po svakoj policijskoj stanici u Kantonu Sarajevo? Također tražim da mi dostavite informacije o tome koliko je od navedenog broja policijskih službenika u patrolama na terenu, pojedinačno za svaku policijsku stanicu?“

Zastupnica Arijana Memić je podnijela sljedeće (citiramo): „Ja ću imati pitanja za Ministarstvo unutrašnjih poslova i Upravu policije MUP-a Kantona Sarajevo i molim da mi se na sva pitanja dostavi pismeni odgovor. Radom MUP-a Kantona Sarajevo u slučaju ubistva moga brata Dženana Memića se, kao što je poznato, još 2016. odnosno 2017. godine bavilo Ad hoc tijelo Komisije za sigurnost Skupštine Kantona Sarajevo. Po njihovom izvještaju u MUP-u Kantona Sarajevo su započete unutrašnje istrage koji su većinom okončane iste godine zbog zastare, iako je opet u većini slučajeva utvrđeno da postoji osnovana sumnja da su navodi iz Izvještaja tačni. Interesuje me informacija da li je MUP Kantona Sarajevo poslije toga vršio bilo kakvu analizu ili provodio unutrašnju istragu zbog slučaja Memić, tj o radu policijskih službenika u tom predmetu? Ukoliko jeste, koji su bili rezultati, a ukoliko nije da kažu zašto nisu? Da li smatrate da pomenuti izvještaj Ad hoc tijela da tri presude u postupku koje je Tužilaštvo Kantona Sarajevo vodilo po izmišljenoj optužnici, te presuda Suda Bosne i Hercegovine protiv policijskog službenika Hasana Dupovca i istrage koje se u kontekstu ovog slučaja aktivno vode, a kojima su obuhvaćeni i drugi policijski službenici nisu već i više nego dovoljni razlozi i odličan povod za adekvatnu reakciju, detaljnu istragu i analizu rada policijskih službenika u ovom predmetu? Da li ste ikada izvršili analizu postupaka policijskih službenika koji su bili uključeni u predmet, analizu o tome kolike su tu greške koje su nanijele štetu ugledu MUP-a Kantona Sarajevo? Pomenute presude su jasno ukazale na slabost policijskog sistema kada je u pitanju istraga u ovom predmetu. Ovom prilikom također vam dostavljam i spisak imena svih policijskih službenika koji su bili uključeni u predmete, tražim da mi dostavite sve informacije o tome da li su imenovani policijski službenici nagrađivani, da li su raspoređeni na druga radna mjesta, da li su unaprijeđeni te da li su uključeni u komisije, sve to od 2016 godine, pa do danas.

I još jedno pitanje kao odgovor na pitanje koje se odnosi na prijave za neprofesionalno ponašanje i druge propuste u radu policijskih službenika. Odgovorili ste mi da se u 2023. godini zaprimili 247 takvih prijava. Od toga je pokrenuto 103 unutrašnje istrage, od čega je 13 slučajeva zaključeno kao osnovano, te je pored toga u 12 slučajeva zaključeno da postoji osnovana sumnja da je počinjeno krivično djelo. Također molim za informaciju u kojoj su fazi istrage ili krivični postupci za ovih 12 slučajeva, koji su dosadašnji rezultati istih, ukoliko ih ima, gdje su raspoređeni ti službenici, na kojim poslovima i u kojim odjeljenjima, te da li vrše aktivno dužnost ili su suspendovani do okončanja postupka? Ukoliko su neki od postupaka ili svi već završili, onda molim da mi se odgovori na postavljena pitanja u kontekstu za period trajanja postupka ili istrage, te da li su iz istih proistekle daljnje posljedice za involvirani službenike?“

Zastupnica Elza Gaković je podnijela sljedeće (citiramo): „Ja ću za danas imati jednu zastupničku inicijativu, a ona glasi: podnosim zastupničku inicijativu da se u okviru Nacrta urbanističkog plana Kantona Sarajevo definiše nova lokacija za odlaganje komunalnog otpada. Obrazloženje: trenutna i jedina lokacija za odlaganje otpada za sve lokalne zajednice sa područja Kantona Sarajevo je na područje općine Novi Grad Sarajevo. Ova lokalna, ova lokacija datira od 1962. godine i obzirom da širenje ove lokacije nije prihvatljivo od strane građana, kao i od strane lokalne zajednice podnosim zastupničku inicijativu da se u okviru Nacrta urbanističkog plana Kantona Sarajevo definiše nova lokacija za odlaganje komunalnog otpada na prostoru neke druge lokalne zajednice, naravno, vodeći računa da je ona dovoljno udaljena od naseljenog mjesta.”

Zastupnica Sanela Klarić je podnijela sljedeće (citiramo): „Ja sam, ja upućujem inicijativu Ministarstvu komunalne privrede i infrastrukture, prostornog uređenja, građenja i zaštite okoliša da hitno pristupi izradi nove Uredbe o uređivanju i održavanju zelenih rekreativnih površina Kantona Sarajevo. Važećom Uredbom, nažalost, je veliki broj manjkavosti o čemu svjedočimo jer su naše neuređene i zapostavljene zelene površine u Kantonu Sarajevo i iz tog razloga je jako važno da krenemo u izradu nove Uredbe zato što su komunalna preduzeća dužna da vode katastar i o tome redovno informišu javnost, nažalost, iako je Uredbom definisano, oni navode taj katastar i jako je važno da u toj Uredbi sada i odgovorne pozovemo na odgovornost zašto se to ne vodi? Jer sa katastrom bi tačno znali i ako imamo neka suha i bolesna stabla ili neke intervencije koje moramo raditi. S druge strane, godišnji program ozelenjavanja mora jasno i detaljno definisati lokacije i plansko prostornom dokumentacijom tako i plan monitoringa i u tom smislu postoje manjkavosti, a u ovoj Uredbi trenutno od 48 članova ima 8 članova koji se odnose na zelenilo krenula, a svi ostali članovi se odnose na rekreativne površine, što govori o tome koliko je važno da ovu Uredbu izmijenimo. Ja sam također poslala inicijativu prema istom Ministarstvu i Zavodu za planiranje i Zavodu za izgradnju Kantona Sarajevo, u kojem tražim da se u pomenutim Zavodima obezbijedi izgradnja kapaciteta uposlenih za energetska certificiranje i zeleno certificiranje u zgradarstvu. Ova oba Zavoda vode veliki broj projekata, evo i Urbanistički plan u kojem se govori o energetske efikasnosti, obnovljivim izvorima energije, zelenom certificiranju, ali nažalost, u ovim Zavodima nemamo certificirane inženjere, stručnjake iz različitih oblasti koji mogu voditi ove projekte, kako u planiranju, tako i u nadzoru. Ponovila sam prema istom Ministarstvu inicijativu da na svom primjeru smanjimo količinu plastičnog otpada iz zajedničkih službi. Imam informaciju da u Budžetu Kantona Sarajevo 16 000 maraka godišnje se troši na plastične flaše za vodu, 24 000 plastičnih boca u ovom Kantonu mi proizvodimo, jako je važno da počnemo vjerovati u našu pitku vodu, koristiti višekratne boce. Imamo evo 16 000 godišnje da, za početak ovaj kupimo ove mašine za suđe i ove jednokratne boce i da počnemo štediti korištenjem naše vode.“

Zastupnica Admela Hodžić je podnijela sljedeće (citiramo): „Ovu inicijativu podnesimo ja i kolega Aljoša Čampara. Podnosim inicijativu Vladi Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo da u saradnji sa drugim ministarstvima iznađu sredstva u iznosu od približno 5,5 milijuna KM za isplatu razlike iznosa pojedinačne subvencije u visini od 10 000 KM za rješavanje stambenog pitanja mladih po javnom pozivu iz 2023. godine, odnosno da se planirana sredstva za '24.godinu sa stavke ekonomski kod "Subvencioniranje mladih pri rješavanju stambenog pitanja" na koji se svake godine po okončanju javnog poziva prebace potrebna sredstva podijeli aplikantima iz javnog poziva za 2023. godinu. Svjesni smo činjenice da je posljednji javni poziv sadržavao izmijenjene, nekontrolisane kriterije, a koji su određenoj skupini mladih ljudi omogućili da ostvare ovu vrstu pomoći i podrške prije nego što navršu 3 godine od prijave za stanovanje u Kantonu Sarajevo, kao što su to ranije generacije strpljivo čekale. Zbog toga moramo nastojati da se visina naknade barem ujednači. Također moramo imati u vidu da će naredni javni poziv sadržavati ovakvu vrstu kriterija, odnosno uslov od najmanje navršene dvije

godine stanovanja u Kantona Sarajevo i da će sredstva koja se svake godine planiraju na ovom ekonomskom kodu ostati neiskorištena zbog toga što je kategorija, ova kategorija već obuhvaćena u posljednjem javnom pozivu, te zbog toga pokrećemo ovu inicijativu da se sredstva od oko 5,5 milijuna u drugoj polovini '24. godine dodijele mladim kojima je već isplaćeno 4816 KM po posljednjem javnom pozivu i namire sredstva od 10 000 KM. Zbog ovih novonastalih okolnosti naredni javni poziv za subvenciju rješavanje stambenog pitanja mladih možemo planirati u Nacrt Budžetu za '25. godinu. Na osnovu održanog sastanka sa predstavnicima mladih komunicirala sam sa Emerinom Ahmetaševićem, a na sastanku u petak razgovarala sam sa Adnanom Lukačem i dogovorila se i obećala da će danas tri minute moje pitanja za pitanje inicijative biti tri minute mladih Kantona Sarajevo i evo, ja izvršavam svoje obećanje, na kojem su istakli da razumiju okolnosti koje su nastale, kašnjenje javnog poziva, kraj budžetske godine, duži period obuhvata, promjenu kriterija i veći broj aplikanata, ali obzirom da oni nisu ti koji su kreirali javni poziv, da je to ipak radila Vlada Kantona Sarajevo, shodno tome očekuju rješenje od Vlade Kantona Sarajevo i u njihovu korist, s ciljem poštivanja dostignutih standarda i obećanja. Podsjećanje radi, u prethodnim godinama broj aplikanata je bio znatno manji, te smo u '17. godini imali 94, u '18.-330, u '19. 459., '20.godine smo imali 276, '21-865, '22. godine 511 i 23 godine- 1031 aplikant, što je, objektivno gledajući, broj mladih koji bi ispunio taj uslov dvije budžetske godine“.

Zastupnik Ilijaz Pilav je podnio sljedeće (citiramo): „Potaknut jednom grupom eksperata iz oblasti, pokrećem zastupničku inicijativu da se na nivou Ministarstva za odgoj i obrazovanje Kantona Sarajevo pripreme sve radnje da Skupština Kantona Sarajevo u okviru svojih nadležnosti razmotri pitanje i u školski program od naredne školske godine vrati predmet čiji će sadržaj uključivati sticanje osnovnih znanja i praktičnih vještina iz oblasti obrane, zaštite i spašavanja. Obrazloženje: U sistemu i sadržaju obrazovanja na nivou srednjih škola trenutno ne postoji predmet koji osigurava stjecanje barem elementarnih znanja iz oblasti odbrane, zaštite i spašavanja ljudi i materijalnih dobara od različitih vrsta prirodnih nesreća ili nesreća antropološkog porijekla i njihovih posljedica. To znači, a posebno je važno istaći da u sadašnjim uslovima i u okruženju u kojem jesmo školsko obrazovanje i obuka mladih po ovim pitanjima ne postoji te se nameće obaveza da se ovakvo pitanje promijeni i popravi. Naša zemlja i institucije iz niza razloga nisu u stanju organizirati i provesti dobrovoljno i obavezno služenje vojnog roka, mogućnost zapošljavanja mladih ljudi u sistemu odbrane vojske i policija, agencije za sigurnost, civilna zaštita su usmjerene, odnosno standardizovane i ograničene i nemaju opšti karakter. Rezervni sastav oružanih snaga Bosne i Hercegovine ne postoji, kao ni rezervni sastav policije. Nadalje, nemamo obrazovne ustanove usmjerenog obrazovanja gdje bi se mladi ljudi u većem broju obrazovali i obučavali o spomenutim pitanjima. Izučavanje predmeta sa ovakvim sadržajem, na primjer iz ranijeg perioda, onaj poznati ONO i DSZ nekada je bilo zastupljen u srednjim školama, ali je u procesu reformi sistema sigurnosti i obrazovanja to isključeno. Radi podsjećanja, izučavanja ovog predmeta, uključivalo je širok spektar obrazovnih tema u navedenoj oblasti, kao i teoretsku i praktičnu nastavu i vježbe. Zakon o zaštiti i spašavanju ljudi i materijalnih dobara od prirodnih i drugih nesreća "Službene novine Federacije" broj 39/3, kaže: "U osnovnom obrazovanju obavezno se obrađuju osnovna znanja o opasnostima od prirodnih i drugih nesreća i način zaštite tih nesreća. U srednjem i visokom obrazovanju obavezno se izučavaju znanja i vještine o zaštiti od prirodnih i drugih nesreća. Federalna uprava u saradnji sa Federalnim ministarstvom obrazovanja, nauke kulture i sporta i odgovarajućim organima uprave kantona nadležnim za obrazovanje, sudjeluje u utvrđivanju programskih sadržaja i fonda sati za obučavanje, zaštitu i spašavanja lica iz stava 1) i 2) ovoga člana". Kadrovi koji bi mogli biti uključeni kao predavači u ovom dijelu nastavnog procesa, kao i prostorni kapaciteti, postoje. Analiza našeg unutrašnjeg stanja i stanja u okruženju Bosne i Hercegovine nameću ovakav korak, a sami mladi ljudi smatraju ovakvo obrazovanje potrebnim i privlačnim. Sam naziv predmeta nije toliko bitan, mogao je bi da glasi "Odbrana i zaštita" i "Odbrana i sigurnost". Pošto Vlade Kantona imaju autonomiju kreiranja sadržaja u sistemu obrazovanja, ima se dovoljno vremena da

se osmisle načini realizacije inicijative, naziv i sadržaje samog predmeta, potrebni resursi, da se izvrše izmjene važećeg propisa i sve drugo što je potrebno. Smatramo da realizaciji ove inicijative treba pristupiti što prije, kako bi je bilo moguće u praksi primijeniti od naredne školske godine. Nezvanično imam informacije da se i u nekim drugim kantonima pokrenula slična inicijativa i da će vrlo brzo ići u praktičnu realizaciju“.

Zastupnica Vedrana Vikić Musić je podnijela sljedeće (citiramo): „Pa evo u kontekstu vrlo aktualne i bitne teme za sve naše građanke i građane kada je u pitanju sigurnosna situacija, imala sam, evo, potrebu da i na Skupštini pročitam inicijativu koju sam uputila prema Vladi Kantona Sarajevo i nadam se da će ista biti usvojena i da ćemo jel svi mi imati u nekom budućem periodu koristi u smislu unaprjeđena sigurnosne situacije, svjesni smo svi jel da je to problem koji zahtjeva sistemsko i dugoročno rješavanje. Dakle, moja inicijativa se odnosi na sljedeće: predlažem da se imenuje stručni tim sa zadatkom da izvršen analizu te dostavi prijedloge koji će obuhvatiti kratkoročne i dugoročne mjere u cilju poboljšanja sigurnosne situacije u Kantonu Sarajevo, te konkretne prijedloge u smislu uspostavljanja sistemskog rješenja i implementiranja dobrih praksi, te izmjene zakonske regulative, pooštavanje kazni sa posebnim naglaskom na višestruke povratnik u vršenju prekršaja i krivičnih djela i drugo. Obrazloženje. Nažalost, događaji koji su se nedavno desili zahtijevaju hitnu reakciju u smislu analize i stanja i definisanja sistemskog rješenja, budući da je trenutna situacija u velikoj mjeri posljedica neadekvatnog sistema generalno, a posebno sistema sigurnosti. No prije konkretnih prijedloga koje očekujem da dostavi stručni tim želim naglasiti hitnu potrebu provođenja trenutnih mjera u smislu prisustva većeg broja policijskih službenika sa ciljem učestalih kontrole i prevencije eventualne novih incidenata. Kontrole se moraju provoditi kontinuirano, a ne kratki vremenski period nakon nemilih događaja, što je bio sada slučaj. Ja ovom prilikom želim stvarno pohvalit, evo, kao građanin, vidim da su te kontrole poboljšane. Dakle, sigurno nisu na nekom idealnom nivou, ali su, ali vidi se ovaj poboljšanje. U odnosu naprijed navedeno iniciram da Vlada Kantona Sarajevo odmah imenuje stručni tim sa članovima iz sljedećih institucija: Ministarstvo unutrašnjih poslova Kantone Sarajevo, Uprava policije MUP-a, Tužilaštvo Kantone Sarajevo, Kantonalni sud u Sarajevu, Zavod za bolesti ovisnosti Kantone Sarajevo, Ministarstvo odgoja i obrazovanje Kantona Sarajevo, Ministarstvo za nauku, visoko obrazovanje i mlade u Kantonu Sarajevo, Ministarstvo saobraćaja, također predstavnici akademske zajednice: Pravni fakultet, Fakultet za saobraćaj, Filozofski fakultet, psiholozi, Kriminalistički fakultet i Federalni MUP, stručni kadar iz Policijske akademije. Kako sam u samoj inicijativi i navela, stručni tim se imenuje sa zadatkom da izvrši analizu te dostavi prijedlog koji će obuhvatiti kratkoročne i dugoročne mjere u cilju poboljšanja sigurnosti svih građana u Kantonu Sarajevo sa konkretnim prijedlozima za izmjene zakonske regulative. Također, nakon konzultacija sa strukom, u nastavku dostavljam smjernice kada su u pitanju kratkoročne i dugoročne mjere, koji bi predloženi tim trebao imati u vidu, a sa ciljem sistemskog rješavanja ovoga pitanja. Dakle, u nastavku su kratkoročne i dugoročne mjere. Ne bi zaista oduzimala dragocjeno vrijeme, ali evo, kažem, nadam se zaista da će Vlada Kantona Sarajevo usvojiti ovu inicijativu i da ćemo na sistemski način pristupiti rješavanju ovoga važnog pitanja”.

Dopredsjedavajući Vibor Handžić je podnio sljedeće (citiramo): „Molio bih, odnosno podnosim inicijativu i tražim i unaprijed se izvinjavam našoj Službi za skupštinske poslove što ću ih malo opteretiti sa ovom inicijativom da mi, zaključno sa završetkom 2023. godine dostave evidenciju održanih sjednica i prisustva zastupnika na sjednicama Skupštine Kantona Sarajevo, sjednicama Kolegija i stalnih radnih tijela Skupštine Kantona Sarajevo. Zahvaljujem, nemam nikakvog posebno obrazloženja za to. Imam još 3 inicijative vezane za resor saobraćaja. S obzirom da mogu podnijeti samo dvije u okviru svoje tri minute, da ne bih ni jednu izdvajao,

dostavit ću ih pismeno i evo predsjedavajući 2 minute i 10 sekundi poklanjam drugim zastupnicima“.

Zastupnica Marijela Hašimbegović je podnijela sljedeće (citiramo): „Za današnju sjednicu pripremila sam dva pitanja i nekolicinu inicijativa. Prezentirat ću prvo pitanje koje je upućeno Ministarstvu unutrašnjih poslova. Dakle, Ministarstvo unutrašnjih poslova, u svojim Izvještajima o izvršenju sankcija za '21. i '22. godinu podnosi jednaku formu sadržaja dokumenta koji se tiče izvršenja mjera sigurnosti zabrane upravljanja motornim vozilima. Ovo potvrđuje da razlozi koji utiču, kako navodite u svojim izvještajima, na izvršenje sankcija nisu promijenjeni i ne navodite mjere kako bi spriječili povratnike u činjenju prekršaja koji su sve učestaliji počinio i drugih krivičnih djela. Razlozi zbog kojih nije došlo do izvršenja mjera sigurnosti zabrane upravljanja motornim vozilima koje navodite u svojim izvještajima su nemogućnost uručivanja poziva počinio prekršaja radi izvršenja sankcije zbog fiktivnog ili neblagovremenog prijavljivanja promjene adrese od strane istih, upotreba stranih vozačkih dozvola, izjave o gubitku vozačke dozvole ili nisu izvršene zamjene za novu vozačku dozvolu. Šta ste do sada uradili po ovim pitanjima Kako bi poboljšali stanje u oblasti sigurnosti u saobraćaju izvršenja sankcija osim ove, kako navodite, mogućnosti pristupa elektronskoj bazi podataka od strane policijskih službenika. Kako ste u tom slučaju posjedovanja elektronske baze imali toliko propusta po pitanju povratnika u činjenju prekršaja koji su imali visoke iznose neplaćenih kazni? Zašto dozvoljavate da očigledno administrativne prepreke razmnožavaju počinioce prekršaja i unose nemir i utječu na stanje sigurnosti u Kantonu Sarajevo? Također, u vašim izvještajima navodite da su kadrovska osposobljenost i klasifikacijska struktura uposlenih koji rade na poslovima i zadacima primjene propisa iz oblasti saobraćaja i zakona zadovoljavajuće. Sljedeća inicijativa je prepućena Ministarstvu odgoja i obrazovanja Kantona Sarajevo. Ponovno se tiče Elektrotehničke škole za energetiku, gdje i dalje pristižu prekršajni nalozi i postoje sadržaji koji u zakonskom smislu upućuju na razrješenje sa funkcije odgovorne osobe. Iz tog razloga inicijativu upućujem i Uredu za protiv korupcije i upravljanja kvalitetom. Također, pitanje za Ministarstvo odgoja i obrazovanja Kantona Sarajevo. Zašto je obustavljena nastava za nižu baletsku školu u Osnovnoj muzičkoj školi Mladen Pozajić i zašto nisu obezbijedeni uslovi za kontinuirani rad škole? Pitanje za ministarstvo komunalne privrede i infrastrukture, prostornog uređenja, građenja i zaštite okoliša Kantona Sarajevo i ViK da se preispita diskriminatorni član. 6. u Ugovoru ViK-a sa potrošačima koje omogućava isključenje snabdijevanja vodom i za kolektivna stanovanja, ukoliko se utvrdi da neko od potrošača nije izmirio svoje obaveze plaćanja i s tim u vezi su ugroženi potrošači koji uredno izmiruju svoje obaveze. I na kraju inicijativa za Ministarstvo za rad, socijalnu politiku, raseljena lica i izbjeglice tražim preusmjerenje sredstava planiranih u iznosu od 500 000 za, kako je navedeno u Budžetu za ovu godinu, unutrašnje uređenje stanova u zgradi Ivan Goran Kovačić , Opština Novo Sarajevo za interno raseljene porodice radi kupovine stanova za interno raseljena lica, obzirom da se ovaj projekat u ovoj ulici neće početi realizirati u ovoj godini. Radi namjenskog utroška sredstava i početka sistemskog rješavanja ovog problema upućujem ovu inicijativu“.

Zastupnica Vildana Bešlija je podnijela sljedeće (citiramo): „Htjela bih prvo Ministarstvu odgoja i obrazovanja postaviti par pitanja, a ona su u svrhu realizacije subvencije produženog boravka u osnovnim školama u Kantonu Sarajevo, te bi zamolila odgovore na sljedeća pitanja: koliko djece trenutno koristi usluge produženog boravka? Koliko škola u Kantonu Sarajevo ima produženi boravak i broj djece po školama, koliko ima angažovanih osoba u produženom boravku i koliko ih je povremeno na određeno i koliko na neodređeno vrijeme angažovano? Također podnosim inicijativu istom Ministarstvu za adekvatnije popunjavanje i formiranje stručnih timova u školama. Naime, prema novim pripremljenim izmjenama i dopunama pedagoških standarda i normativa za osnovno i srednje obrazovanje, predviđene su izmjene u smislu preciziranja stručnih timova koji bi trebali biti prošireni, odnosno po novim izmjenama te stručne timove bi činili pedagog, psiholog i pola socijalnog radnika. Iako znam da je

po pitanju angažovanja socijalnih radnika novim izmjenama predviđeno određeno poboljšanje koje je bilo dosta manje u proteklim godinama, mišljenja sam da stručni timovi u školama trebaju biti ojačani na način da u timu budu angažovani socijalni radnici u punom radnom vremenu. Prevencija je oblik djelovanja koji mora biti prioritet kada su djeca u pitanju jer smo svjedoci sve češće pojave vršnjačkog nasilja. Znamo da djeca nisu krivično odgovorna, tako da se prevencija treba rješavati u školama, a podršku bi dali stručni timovi u radu sa djecom i roditeljima, jer uključivanje Centra za socijalni rad u svakodnevno djelovanje u školama nije dovoljno, uzimajući u obzir da oni imaju svoje djelovanje u situacijama koje su definirane izvan školskih klupa. Stručne službe škole konstantno koordiniraju, pored redovnog posla u školi, rad sa porodicom, policijom, zdravstvenim ustanovama i ustanovama socijalne zaštite, kako bi se na vrijeme i adekvatno pružila pomoć i potrebna podrška svakom učeniku i njegovoj porodici, odnosno starateljima. Vjerujem da su socijalni radnici, koji su godinama radili u dvije i više škola, svojim stručnim djelovanjem također dokazali i pokazali potrebu za angažovanjem socijalnih radnika na puno radno vrijeme, čime sistem neće samo zadovoljiti formu, već će se osigurati stručna podrška porodicama i djeci multidisciplinarnim pristupom u prevazilaženju poteškoća kojima ometaju odgojno-obrazovni proces, kontinuitet u praćenju porodičnih prilika i na kraju zaštitu radno pravnog statusa, autonomiju struke socijalnog rada, te socijalnu sigurnost, kao i očuvanje mentalnog zdravlja socijalnih radnika i prevenciju profesionalnog sagorijevanja. Zato u cilju preventivnog djelovanja i osiguranja kontinuiteta u praćenju porodičnih prilika, saradnje sa institucijama i svega ostalog što sam spominjala, molim da se ova inicijativa ozbiljno razmotri te da se u svrhu preventivnog djelovanja u svakoj školi, broj izvršilaca, stručnih saradnika, socijalnih radnika povećana 1. Ističem i podržavam stvarnu potrebu za zapošljavanjem školskih psihologa i kompletiranja stručnih službi škola koje čine pedagog, psiholog i socijalni radnik, ali u vremenu društvenih promjena kada su prisutni brojni izazovi roditeljstva, povećan broj slučajeva porodičnog nasilja, nepotpunih porodica, maloljetničke delikvencije, povećanog broja krivičnih djela čiji su izvršioc maloljetna lica, kriza porodice kao institucije, zapošljavanje socijalnih radnika na nepunu normu je samo zadovoljavanje forme. Nadam se da će Ministarstvo ozbiljno razmotriti ovu inicijativu i pružiti podršku te podržati angažman socijalnih radnika kao nezamjenjivi stručni profil, jedinstven u ovom društvenom sistemu i njihovom djelovanju“.

Dopredsjedavajuća Jelena Pekić je podnijela sljedeće (citiramo): „Ovom prilikom želim da uputim dvije inicijative prema Ministarstvu komunalne privrede i infrastrukture, prostornog uređenja, građenje, zaštite okoliša Kantona Sarajevo. Prva se odnosi na to da se uspostavi program subvencioniranja postavljanja solarnih panela na individualne i kolektivne objekte stanovanja u Kantonu Sarajevo kako bismo potaknuli korištenje obnovljivih izvora energije, smanjili troškove električne energije za građane. Ova inicijativa ima za cilj smanjenje emisija stakleničkih plinova i promovisanje ekoloških inicijativa u skladu sa ciljevima održivog razvoja. Dodatno, moja preporuka jeste da se razmotri mogućnost saradnje sa Opštinama na području Kantona Sarajevo, s obzirom da su pojedine opštine kao što je npr Stari Grad Sarajevo već poduzele određene aktivnosti pripreme ovakvih i sličnih programa. I druga inicijativa se odnosi da se uspostavi program i donese odluka o subvencioniranju uspostave krovnog zelenila, fasadnog zelenila i privatnih parkovskih površina u užem urbanom području, te raspisivanje javnog poziva za potencijalne korisnike kako bi se promovisalo održivost, poboljšala estetika i stvorilo zdravije i prijatnije urbanističko okruženje za stanovnike“.

Zastupnik Jasmin Šaljić je podnio sljedeće (citiramo): „Ja imam inicijativu ispred Komisije za boračka pitanja, pa ću pročitati, održali smo sjednicu prije dva, tri dana. Komisija za boračka pitanja Skupštine Kantona Sarajevo na sjednici održanoj je 21. februara. 2024. godine pokrenula inicijativu prema Skupštini Kantona Sarajevo, kojom se zadužuje Vlada Kantona Sarajevo, da hitno pokrene proceduru smjene direktora Javne ustanove "Memorijalni centar Sarajevo", Ahmeda Kulanića. Komisija traži da se u logotipu JU promijeni samo naziv, a da

ljiljani i šehidski nišan ostanu. Obrazloženje: Javna ustanova Memorijalni centar Sarajevo je na društvenim mrežama i saopćenjima koristila novi logotip ove ustanove iz koje je izbačen ljiljan i šehidski nišan, koji se nalazi na starom logotipu Javna ustanova Memorijala Kantona Sarajevo prije transformacije. Komisija traži da se zastupnici na sjednice zakazanog za 26. februar, 2024 godine izjasne o inicijativi. Predsjednik Komisije Kapidžić. Koliko imam vremena? Hvala. Pročitat ću član 145. Zakona o zabrani negiranja genocida ratnih zločina i zločina protiv čovječnosti, pa kada pročitam zakon formulirat ću inicijativu. Ko dodijeli priznanje, spomenicu bilo kakav posjetnik i bilo kakvu privilegiju ili slično osobi osuđenoj pravomoćnom presudom za genocid, zločin protiv čovječnosti ili ratni zločin ili imenuje javni objekat kao što su ulice, trg, park, most, naseljeno mjesto ili na bilo koji način veliča osobu osuđenu pravomoćnom presudom za genocid, ratni zločin protiv čovječnosti ili ratni zločin kaznit će se zatvorom od najmanje 3 godine. Dužnosnici ili odgovorne osobe ili zaposlenik u institucijama vlasti ili bilo kojem organu koji se finansira putem javnog budžeta, također će se kazniti zatvorom u trajanju od 3 godine. Predsjedavajući, ja sam htio uputi inicijativu, ali bi volio da je to, da ovo uradi Skupština kao kolektivni organ, da uputimo dopis ili zaključak Visokom predstavniku da reaguje na učestale evo, vidite na svim dijelovima teritorije BiH znači veličanje ratnih zločina, imamo poseban slučaj, evo vidjeli ste od Valentina Ćorića, Gradsko vijeće Banja Luke, sve su to ljudi koji su pravomoćno osuđeni. Imamo slučaj na Vracama da zamolimo Visokog predstavnika da, ovo je lično njegov zakon, da upotrijebi ovlasti i da reaguje prema institucijama i dužnosnicima na čijim teritorijama se nalaze murali. Da u razumnom roku uklone murale ili da i visoki predstavnik iskoristi bonske ovlasti i smijeni i da suspenduju odluku suda u Sokocu, gdje su dva dječak, da momka kažnjena jer su morale uzeti pravdu u svoje ruke. Oni su oštetili tu stvar, to ne smije da se radi, ali mi to moramo kao zakonodavni organ, kao Skupština, vidjeti da se to u korijenu problem riješi, znači da Visoki predstavnik suspenduje ovakve odluke. Pa sam zamolio, ako vi hoćete, da samo preformulišete malo bolje ovo da je uobličimo, da osuđujemo ratne zločine znači na svakome dijelu teritorije Bosne i Hercegovine. I volio bih da se uključite i da damo neki zaključak prema Uredu visokog predstavnika i OHR-u. Pa čekamo eto neku vašu reakciju i mišljenje hoćemo li šta? Eto, da, volio bi da to bude zaključak Skupština, da je drugačije preformulišemo, ako hoćete, da ne mora ona biti moja. Važna je”.

Zastupnica Mersiha Mehmedagić je podnijela sljedeće (citiramo): „Imam dva zastupnička pitanja. Jedno je upućeno Kantonalnoj upravi za inspeksijske poslove. Poštovani, molim da mi se dostavi informacija koliko je izvršeno inspeksijskih nadzora u akciji kontrole nelegalnih smještajnih objekata, koliko je nelegalnih objekata zatečeno i koje su im mjere izrečene? Također molim da me informišete koliko inspektora radi na kontroli smještajnih objekata koji se nalaze na platformama za oglašavanje? Ovdje prije svega mislim na izdavanje apartmana, izdavanje "stan na dan". Drugo zastupničko pitanje je upućeno Ministarstvu zdravstva, odnosno Univerzitetском kliničkom centru Sarajevo. Molim vas za informaciju o stanju dnevne bolnice Psihijatrijske klinike nakon Zaključka iz 2014.godine kojim se prihvata prijedlog da se navedeni prostor rekonstruiše u izolatorij i Odluke Upravnog odbora o odobrenju rekonstrukcije i prilagodbu prostora bivše Dnevne bolnice Psihijatrijske klinike za izolatorij sa pratećim sadržajima, površini 230 m². Koliko novca je utrošeno za provođenje, privođenje objekta krajnjoj namjeni i imamo li trenutno izolatorij?“

Zastupnica Sebija Izetbegović je podnijela sljedeće (citiramo): „Dakle, ja imam dvije inicijative i dva pitanja. Prva inicijativa odnosi se na potrebu za sazivanje sjednice Skupštine na kojoj bi se govorilo o stanju sigurnosti u Kantonu Sarajevo. Znači da je jutros bačena eksplozivna naprava na Mejtaš na vrlo blizu ulaska u Osnovnu školu Musa Ćazim Ćatić, a prije nepunu sedmicu je dječak donio nož u Osnovnu školu Šip. Dakle, moja inicijativa prva je da se sazove sjednica Skupštine Kantona Sarajevo o stanju sigurnosti u Kantonu Sarajevo. Druga inicijativa odnosi se na zahtjev prema ministru zdravstva Hasanoviću u smislu dostave imena svih

uposlenika u Dom zdravlja Sarajevo koji su uposleni u mandatu dr Baltića kao direktora i predsjednika Upravnog odbora Ademira Spahića, uz podatke po kojem konkursnim procedurama su navedeni i uposleni, po kojoj sistematizaciji i po kojoj sistematizaciji su iskazane te potrebe? Prvo pitanje odnosi se na, također, na ministra, da li je istina da je direktor Doma zdravlja dr. Baltić izdao prostor u vlasništvu Doma zdravlja bez zakonom propisane procedure, nekom privatniku? Drugo pitanje na koju poziciju je zaposlena supruga federalnog ministra Nerina Dizdara u Dom zdravlja Sarajevo? Šta je ona po struci? S obzirom na činjenicu da Dom zdravlja stalno ističe potrebu za ljekarima, a njih nema dovoljno. Ako je zaposlena, kada i po kojoj proceduri je zaposlena, po kojoj sistematizaciji, na kojoj poziciji se ona nalazi?"

Zastupnik Adi Kalem je podnio sljedeće (citiramo): „Ja ću imati jednu zastupničku inicijativu i imati ću par pitanja. Naime, moja zastupnička inicijativa odnosi se prema Vladi Kantona Sarajevo, odnosno Ministarstvo unutrašnjih poslova Kantona Sarajevo za postavljanje uređaja za kontrolu saobraćaja u Ulici Raštelica općina Hadžići. Područna škola u Raštelići broji oko 40 učenika uzrasta od prvog do četvrtog razreda osnovne škole i nekolicinu učenika predškolskog uzrasta, te na osnovu zahtjeva građana, roditelja čija djeca pohađaju Područnu školu u Raštelići pokrećem ovu inicijativu za postavljanje odgovarajućih uređaja ili saobraćajnih pomagala kako bi se izvršila kontrola brzine kretanja motornih vozila u blizini škole. Obrazloženje će biti onako kako sam naveo u samoj inicijativi i samo želim da napomenem da ovu inicijativu prema nadležnom ministarstvu uputio je Savjet Mjesne zajednice Raštelica, te da dana današnjeg ništa nije poduzeto kako bi se riješio ovaj problem i najmlađim učenicima obezbijedio siguran put do škole. Imam par pitanja. Premijeru za vas pitanje Prostorni plan? Obzirom da sam upozoravao nekad u oktobru mjesecu prošle godine, Kanton Saraje je već ušao u stanje kaosa od 01.01.2024 Zavod za planiranje ne izdaje uopće mišljenja. Mislim da je ovo udar na budžete, ne samo lokalnih samouprava, nego i Kantona Sarajevo. Pa eto, molio bi onaj odgovor po pitanju ovoga. Pitanje za ministra unutrašnjih poslova, uvaženog gospodina Katicu, vezano za našu hitnu sjednicu koju smo imali ovdje i zaključke koje smo donijeli o sigurnosti u saobraćaju, obzirom da još uvijek nismo dobili nikakav izvještaj, eto, zamolio bih otprilike da nas ukratko obavijesti o poduzetim aktivnostima i kada ćemo konačno imati taj izvještaj na stolu ovdje i razmatrati ga na ovoj Skupštini? I ukoliko dozvolite još jedno pitanje za Zavod za planiranje razvoja Kantona Sarajevo, koliko ima nezavršenih i neusvojenih planova u 2023. godini?“

Zastupnica Miomirka Melank je podnijela sljedeće (citiramo): „Prvo pitanje o zbrinjavanju lijekova. Koja zakonska regulativa u Kantona Sarajevo uređuje pitanje zbrinjavanja preostalih lijekova koji su bili izdati pacijentima, a koji su preostali, kojima je istekao rok trajanja i lijekova kojima nije istekao rok ?Ako takva regulativa ne postoji, ja podnosim inicijativu Ministarstvu zdravstva da se precizno uredi zbrinjavanje neutrošenih lijekova i povratak tih lijekova od pacijenata u neku instituciju. Druga inicijativa se odnosi na vizualni identitet Grasa. U toku je transformacija Kantonalnog javnog preduzeća gradski saobraćaj Gras u savremenu transportnu firmu. Ja neću opisivati kakvo je trenutno stanje, kakvo je vladalo stanje u prethodnom periodu, već ću zamisliti kako bi u 21 vijeku to trebalo izgledati. Kako bi se ova pretvorba prezentirala adekvatno i kako bi se unaprijedile komunikacije sa građanima i javnošću, potrebno je izraditi novi vizualni identitet sa svim nužnim sadržajima, počevši od zaštitnog znaka, preko oznaka stajališta i stanica, mapa kretanja autobuskih, tramvajskih i trolejbuskih linija i ostalih elemenata, te stoga podnosim inicijativu Ministarstvo saobraćaja Kantona Sarajevo da se planiraju sredstva za javni konkurs za izradu vizualnog identiteta“.

Zastupnik Muamer Bandić je podnio sljedeće (citiramo): „Imam zastupničku inicijativu prema Skupštini Kantona Sarajevo kojom tražim od Skupštine Kantona Sarajevo da zaključkom obaveže Komisiju za izbor, imenovanja i administrativna pitanja Skupštine Kantona

Sarajevo, da Klubu zastupnika Stranke za Bosnu i Hercegovinu osigura prostorije, odnosno kancelarija za rad u zgradi Kantona Sarajevo, te omogući jednakost i ravnopravnost u radu, političkom djelovanju, kao što je to omogućeno ostalim klubovima i samostalnim zastupnicima, u roku 15 dana od podnošenja ove inicijativi. Obrazloženje: naime, Komisija za izbor i imenovanje i administrativna pitanja Skupštine Kantona Sarajevo na sjednici održanog dana 9. 2. 2024. zaključkom izbacila Klub zastupnika Stranke za Bosnu i Hercegovinu iz prostorija, odnosno kancelarije, broj 161 koje je Klub zastupnika godinu dana koristio i te prostorije ustupio na korištenje zastupnicima Hodžić, Lemezani i zastupnici Elzi Gaković. Navedeni zaključak je potpuno diskriminatorski u odnosu na Klub Stranke za Bosnu i Hercegovinu. Zaista je nevjerovatno da u demokratskom, ustavnom i političkom sistemu pravo zastupnika Hodžić, Lemezani i Gaković se rješava za prostorije za rad osigurane na način da oduzmete prostorije, odnosno pravo na rad zastupnicima drugog kluba. Na ovaj način Klub Stranke za Bosnu i Hercegovinu nema jednake uslove za rad, kao što to imaju drugi klubovi, a što je u suprotnosti sa međunarodnim Paktom o građanskim i političkim pravima. Stranke Trojke Klubu Stranke za Bosnu i Hercegovinu onemogućavaju jedno od temeljnih političkih prava, a to je ostvarivanje jednakopravnosti u političkom radu, odnosno ograničavanje naše puno pravno na ostvarivanje i izražavanja političkih stavova, čime je jedan demokratski ustavni politički sistem pretvoren u nedemokratski. Tražim od Skupštine Kantona Sarajevo da usvoji inicijativu Kluba zastupnika Stranke za Bosnu i Hercegovinu i omogući nam uslove za rad kao i drugim zastupnicima i klubovima. Imam jedno pitanje, odnosno za Vladu. Mikrobiološki i kemijski laboratorij KJP Veterinarska stranica doo, koja je osnovana 1985. godine i koja radi na ispitivanju namirnica animalnog porijekla, hrane za životinje i briseve prema svim informacijama okončava svoj rad sa 13. martom 2024. godine, iz razloga što direktorica nije preduzela pravne radnje, uputila ih prema osnivaču kako bi ova vrsta javnih poslova obavljala u okviru javne ustanove ili instituta. Kako je moguće da Kanton kao osnivač Veterinarske stanice ovako ozbiljnu i za građane veoma važnu laboratoriju autanizira? Kako je moguće da ministar kao odgovoran ništa nije poduzeo od pravnih radnji kako bi istu ovu vrstu javnih poslova, koja je ovaj laboratorij uspješno obavljao skoro 50 godina, nastavljala obavljati u interesu građana i na taj način građanima nastavili pružati institucionalnu zaštitu u pogledu pružanja adekvatne kontrole ispitivanje namirnica animalnog porijekla. Zna li da na ovaj način jednu vrlo osjetljivu oblast, ispitivanje namirnica animalnog porijekla prestaje kontrolirati ovaj laboratorij koji je to u ime društva obavljao javno, uspješno u kontinuitetu skoro 50 godina? Zna li da ove poslove iz okvira nadležnosti ovog laboratorija prepuštate u slobodnu dispoziciju i ispitivanje ovih namirnica spuštate na niži nivo i tako direktno ugrožavate zdravlje i živote naših sugrađana“.

Zastupnik Samir Avdić je podnio sljedeće (citiramo): „Moje pitanje sam već poslao 09. februara prema Ministarstvu komunalne privrede i infrastrukture, prostornog uređenja, građana i zaštite okoliša te prema v.d. direktoru preduzeća Skenderija i Upravnom odboru Skenderije. A budući da još uvijek nisam dobio odgovor, a u interesu javnosti, jer smatram da je zaista značajno i da takva preduzeća svojim odnosom prema javnosti, a i mi sa svojim odnosom pokušamo da do javnosti dođe istina, a ne različite manipulativne izjave i spinovi kakvi su u vezi sa eventualnom Odlukom o prestanku važenja Odluke o proglašenju kompleksa Skenderije kao općeg dobra u javnoj upotrebi ustvari uzrokovali. Zbog toga evo i ovim putem ja molim maloprije spomenute Upravnom odboru v.d. direktora i ministra da obavijeste ovu Skupštinu i što prije da obavijeste javnost koji su konkretni planovi kada je u pitanju građevinska rekonstrukcija dijela kompleksa Skenderije, posebno s obzirom da na neprovjerenu informaciju da će se donijeti Odluka o prestanku važenja Odluke o proglašenju Skenderije općim dobrom. Podsjećam da je spomenuti Centar zaštićen na više načina, određenim mjerama od strane Komisije za zaštitu spomenika Bosne i Hercegovine, ali i jednoglasnom Odlukom na inicijativu zastupnika Damira Nikšića od prije nekoliko godina, Odlukom ove Skupštine. Veoma je značajno da zaustavimo širenje neistina, a jedna od tih neistina je da mi planiramo kao Skupština da Skenderiju damo nekim investitorima

da tamo prave zgrade. Zbog toga je veoma važno da promptno dobijemo ovaj odgovor, kako mi, tako i javnost“.

Nakon iscrpljene liste prijavljenih za pitanja i inicijative, predsjedavajući je ponudio odgovor u ime Komisije za izbor, imenovanja i administrativna pitanja Skupštine Kantona Sarajevo zastupniku Bandiću.

Potom su svoje odgovore na postavljena pitanja su ponudili: *Enis Hasanović, ministar zdravstva, Omer Osmanović, ministar za boračka pitanja, Nihad Uk, premijer, Admir Katica, ministar unutrašnjih poslova, Zlatko Mijatović, ministar privrede i Bojan Bošnjak, ministar komunalne privrede, infrastrukture, prostornog uređenja, građenja i zaštite okoliša.*

Nezadovoljstvo usmenim odgovorom izrazio je zastupnik Faruk Selmanović, te je premijer Uk ponudio dopunski odgovor.

Po zaključivanju diskusije, predsjedavajući je konstatovao da se Skupština treba izjasniti o podnesenim inicijativama, te je stoga predložio petominutnu pauzu kako bi se izvršile dodatne konsultacije.

NASTAVAK NAKON PAUZE

U nastavku nakon pauze predsjedavajući Okerić je objasnio kako su dvije inicijative Kluba zastupnika DF-a i S BiH koje se odnose na zakazivanje hitne sjednice Skupštine KS na temu sigurnosti u KS, identičnog sadržaja, te da se o istima ne treba izjašnjavati jer je Kolegij Skupštine tijelo koje utvrđuje potrebu i karakter održavanja sjednice, te da će se isti izjasniti o tome kada bude dobio sve tražene podatke od relevantnih institucija. Nakon toga je uslijedila diskusija u kojoj su učestvovali zastupnici: Albin Zuhrić, Haris Zahiragić, Muamer Bandić, Vildana Bešlija, Vedrana Vujović, Elvedin Okerić i Faruk Selmanović.

Nadalje, predsjedavajući je pozvao zastupnice i zastupnike da se izjasne o inicijativi Komisije za boračka pitanja Skupštine KS, vezano za smjenu direktora Fonda Memorijala Kantona Sarajevo, Ahmeda Kulanića.

Nakon glasanja konstatovano je da inicijativa nije dobila potrebnu većinu glasova (13 „za“ glasova, 5 glasova „protiv“ i 15 glasova „suzdržan“).

Obzirom da je traženo pojedinačno izjašnjavanje zastupnika, u ponovljenom postupku, predložena inicijativa također nije dobila potrebnu većinu glasova (13 „za“ glasova, 7 glasova „protiv“ i 13 glasova „suzdržan“).

Realizacija tačke dva.

AD-2.

Prijedlog Odluke o proglašenju Udruženja za podršku porodicama sa djecom i osobama sa poteškoćama u razvoju “Colibri” udruženjem od posebnog interesa za Kanton Sarajevo

Zastupnici su materijal dobili uz poziv za sjednicu. Uvodne napomene u ime Predlagača podnio je Nuriya Hodžić, pomoćnik ministrice za rad, socijalnu politiku, izbjegla i raseljena lica.

U otvorenoj diskusiji riječ su uzele zastupnice: *Danijela Kristić i Marijela Hašimbegović.*

Zaključivši diskusije, predsjedavajući je pozvao zastupnike da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o proglašenju Udruženja za podršku porodicama sa djecom i osobama sa poteškoćama u razvoju "Colibri" udruženjem od posebnog interesa za Kanton Sarajevo (26 glasova „za).

Realizacija tačke tri.

AD-3.

Prijedlog Odluke o proglašenju "Udruženja roditelja ubijene djece Sarajeva 1992.-1995." udruženjem od posebnog interesa za Kanton Sarajevo

Zastupnici su materijal za tačku dobili uz poziv za sjednicu. Uvodno izlaganje u ime Predlagača je podnio pomoćnik ministrice za rad, socijalnu politiku, izbjegla i raseljena lica, Nuriya Hodžić.

Pitanja za predlagača je imao zastupnik *Jasmin Šaljić*, kojem je pomoćnik ministrice odmah ponudio odgovor.

U otvorenoj diskusiji učestvovali su zastupnici: *Davor Čičić i Jasmin Šaljić*.

Po zaključivanju diskusije, predsjedavajući je pozvao zastupnike da se izjasne o navedenom Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o proglašenju "Udruženja roditelja ubijene djece Sarajeva 1992.-1995." udruženjem od posebnog interesa za Kanton Sarajevo (s 29 glasova „za“).

Realizacija tačke četiri.

AD-4.

Prijedlog Zakona o izmjenama i dopunama Zakona o dopunskim pravima boraca/branitelja Bosne i Hercegovini- skraćeni postupak

Zastupnici su materijal dobili uz poziv za sjednicu. Ministar za boračka pitanja, Omer Osmanović, je obrazložio razloge za donošenje predloženog Zakona po skraćenom postupku, u skladu s članom 158. stav (2) Poslovnika Skupštine KS.

Nije bilo prijavljenih zastupnika za postavljanje pitanja ili diskusiju vezano za skraćeni postupak, tako da se prešlo odmah na izjašnjanje.

Na osnovu rezultata glasanja, predsjedavajući je konstatovao da je Skupština jednoglasno prihvatila prijedlog da se pretres Prijedloga zakona provede po skraćenom postupku. (s 26 glasova „za“).

Također nije bilo prijavljenih zastupnika za pitanja ili diskusiju po samom tekstu Prijedloga zakona, tako da se odmah pristupilo izjašnjanju po istom.

Na osnovu rezultata glasanja, predsjedavajući je konstatovao da je Skupština jednoglasno donijela Zakona o izmjenama i dopunama Zakona o dopunskim pravima boraca/branitelja Bosne i Hercegovine, (s 26 glasova „za“).

Potom je predsjedavajući pozvao zastupnike da se izjasne o pauzi za ručak u trajanju od 90 minuta.

Na osnovu rezultata glasanja predsjedavajući je konstatovao da su zastupnici jednoglasno izglasali pauzu za ručak u trajanju od 90 minuta. (s 25 glasova „za“)

NASTAVAK NAKON PAUZE

Realizacija tačke pet.

AD-5.

Nacrti Urbanističkih planova:

- a) Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) sa nacrtom Odluke o provođenju Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća);
- b) Urbanističkog plana za urbano područje Ilijaš sa nacrtom Odluke o provođenju Urbanističkog plana za urbano područje Ilijaš;
- c) Urbanističkog plana za urbano područje Hadžići sa nacrtom Odluke o provođenju Urbanističkog plana za urbano područje Hadžići;
- d) Urbanističkog plana za urbano područje Trnovo sa nacrtom Odluke o provođenju Urbanističkog plana za urbano područje Trnovo

Zastupnici su materijal za ovu tačku dobili uz poziv za sjednicu.

Uvodno izlaganje u ime Predlagača tačke podnijeli su direktor Zavoda za planiranje razvoja KS, Faruk Muharemović i ministar komunalne privrede, infrastrukture, građenja i zaštite okoliša, Bojan Bošnjak, a potom je izvedena PPT prezentacija dostavljenih planova od strane voditelja Plana u Zavodu za planiranje KS, Edina Jenčiragića.

U međuvremenu, dopredsjedavajuća Jelena Pekić je preuzela nakratko predsjedavanje sjednicom.

Pitanja za Predlagača su imali zastupnici: *Samir Avdić, Faruk Kapidžić, Faruk Selmanović, Marijela Hašimbegović, Adi Kalem, Damir Marjanović, Haris Zahiragić, Elvis Vreto, Jasmin Šaljić, Muamer Bandić i Sanela Klarić.*

Dopredsjedavajuća Pekić je potom dala polusatovnu pauzu kako bi se predstavnici Predlagača konsultovali oko odgovora na postavljena pitanja.

NASTAVAK NAKON PAUZE

U nastavku nakon pauze, dopredsjedavajuća je dala riječ predstavnicima Predlagača da ponude odgovore, te su svoje odgovore dali direktor Zavoda, Faruk Muharemović i ministar Bojan Bošnjak.

U diskusiji koja je potom otvorena učestvovali su zastupnici: *Faruk Selmanović, Faruk Kapidžić, Elza Gaković, Sanela Klarić, Marijela Hašimbegović, Haris Zahiragić, Redžo Lemezani, Elvis Vreto, Jasmin Šaljić, Muamer Bandić i Davor Čičić.*

U međusobnom repliciranju učestvovali su: *Faruk Kapidžić i Marijela Hašimbegović, Haris Zahiragić-Vildana Bešlija, Faruk Kapidžić – Vildana Bešlija, Davor Čičić – Haris*

Zahiragić, Faruk Kapidžić – Elvis Vreto, Faruk Kapidžić – Davor Čičić, Faruk Kapidžić – Jasmin Šaljić.

Dopredsjedavajući Vibor Handžić preuzeo vođenje sjednice nakratko, a zatim je predsjedavajući Okerić preuzeo.

Tokom diskusija poslovničku intervenciju su imali zastupnici: *Samir Avdić, Haris Zahiragić i Muamer Bandić.*

Ispravke krivih navoda imali su zastupnici: *Vibor Handžić i Vildana Bešlija.*

Potom je na zahtjev Kluba zastupnika Stranke za Bosnu i Hercegovinu data polusatna pauza.

NASTAVAK NAKON PAUZE

U nastavku nakon pauze, predsjedavajući je predložio da Skupština Kantona Sarajevo po Nacrtu urbanističkih planova donese sljedeći Zaključak:

1. *Utvrđuje se Nacrt:*

a) *Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) sa Nacrtom Odluke o provođenju Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća);*

b) *Urbanističkog plana za urbano područje Ilijaš sa Nacrtom Odluke o provođenju Urbanističkog plana za urbano područje Ilijaš;*

c) *Urbanističkog plana za urbano područje Hadžići sa Nacrtom Odluke o provođenju Urbanističkog plana za urbano područje Hadžići;*

d) *Urbanističkog plana za urbano područje Trnovo sa Nacrtom Odluke o provođenju Urbanističkog plana za urbano područje Trnovo.*

2. *Nacrt Urbanističkih planova iz tačke 1. ovog zaključka stavlja se na javnu raspravu i javni uvid u trajanju od 60 dana.*

3. *Učesnici u javnoj raspravi su kantonalni organi uprave, jedinice lokalne samouprave, naučne i stručne ustanove.*

4. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo, putem Zavoda za planiranje razvoja Kantona Sarajevo, koji organizuje i provodi javnu raspravu i javni uvid.*

5. *Vlada Kantona Sarajevo dužna je, nakon provedene javne rasprave, Skupštini Kantona Sarajevo dostaviti prijedlog Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) sa prijedlogom Odluke o provođenju Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća), prijedlog Urbanističkog plana za urbano područje Ilijaš sa prijedlogom Odluke o provođenju Urbanističkog plana za urbano područje Ilijaš, prijedlog Urbanističkog plana za urbano područje Hadžići sa prijedlogom Odluke o provođenju Urbanističkog plana za urbano područje Hadžići, prijedlog Urbanističkog plana za urbano područje Trnovo sa prijedlogom Odluke o provođenju Urbanističkog plana za urbano područje Trnovo, vodeći računa o primjedbama, prijedlozima, sugestijama i mišljenjima kroz izvještaj o provedenoj javnoj raspravi.*

6. *Ovaj zaključak stupa na snagu danom donošenja*

Na osnovu rezultata glasanja, predsjedavajući je konstatovao da je Skupština većinom glasova donijela navedeni Zaključak (s 19 glasova „za“, 3 glasa „protiv“ i 5 „suzdržanih“ glasova).

Realizacija tačke šest.

AD-6.

Prijedlog Zaključka o stavljanju van snage Zaključka Skupštine Kantona Sarajevo broj: 01-04-3436-6/20 od 25.02.2020. godine

Zastupnici su materijal dobili u dopuni dnevnog reda. Uvodno izlaganje je podnio ministar komunalne privrede, infrastrukture, građenja i zaštite okoliša, Bojan Bošnjak.

Pitanje za Predlagača je imao zastupnik *Faruk Kapidžić*, na koje mu je ministar Bošnjak odmah dao odgovor.

U diskusiji koja je potom uslijedila učestvovali su zastupnici: *Faruk Kapidžić, Muamer Bandić i Marijela Hašimbegović.*

Po zaključivanju diskusije predsjedavajući je pozvao zastupnike da se izjasne o predloženom Zaključku.

Na osnovu rezultata glasanja, predsjedavajući je konstatovao da je Skupština većinom glasova donijela Zaključak o stavljanju van snage Zaključka Skupštine Kantona Sarajevo broj: 01-04-3436-6/20 od 25.02.2020. godine (s 18 glasova „za“, 1 glas „protiv“ i 4 glasa „suzdržan“).

Po zaključivanju šeste tačke dnevnog reda, predsjedavajući je prekinuo zasjedanje 14. Radne sjednice Skupštine Kantona Sarajevo kazavši da će zastupnici o nastavku biti blagovremeno obaviješteni.

Broj: 01-04-3911/24
26.02.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU PRVOG NASTAVKA 14. RADNE SJEDNICE SKUPŠTINE KANTONA SARAJEVO ODRŽANE 07.03.2024.GODINE SA POČETKOM RADA U 10,00 SATI

Prvi nastavak 14. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovali 22 zastupnice i zastupnika. Izostanak sa sjednice opravdali su zastupnici Smiljana Viteškić, Faruk Selmanović i Vedrana Vikić Musić, a kašnjenje je najavio zastupnik Adi Kalem. Sjednici nisu prisustvovali zastupnici: Sebija Izetbegović, Damir Marjanović i Ilijaz Pilav.

U skladu s naprijed navedenim, prisustvo zastupnika Prvom nastavku Desete radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Kalem Adi
3. Kapidžić Faruk
4. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Memić Arijana
5. Okerić Elvedin
6. Pobrić Rusmir
7. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Klarić Sanela
4. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da su se na prethodnom zasjedanju obradile prvih šest tačaka, te da ovo zasjedanje počinje realizacijom tačke sedam Dnevnog reda.

AD-7.

Prijedlog Zakona o novčanim poticajima u poljoprivredi i ruralnom razvoju na području Kantona Sarajevo

Zastupnici su materijal za ovu tačku dobili uz poziv za sjednicu, a uvodno izlaganje u ime Predlagača podnijeli su ministar privrede Zlatko Mijatović i predstavnik Radne grupe za izradu Prijedloga Zakona, profesor Sabahudin Bajramović.

Ispred Komisije za poljoprivredu, šumarstvo, vodoprivredu i prehrambenu industriju obratila se zastupnica Sanela Klarić, te iznijela zaključke te Komisije.

Pitanja za Predlagača ima li su zastupnici: *Mahir Dević, Marijela Hašimbegović, Jasmin Šaljić, Elza Gaković, Davor Čičić, Elvedin Okerić i Muamer Bandić*, nakon čega je predsjedavajući dao desetominutnu pauzu kako bi predstavnici Predlagača pripremili odgovore.

U nastavku nakon pauze, odgovore zastupnicima su ponudili ministar Zlatko Mijatović i član Radne grupe za izradu Zakona, profesor Sabahudin Bajramović.

Predsjedavanje sjednicom nakratko je preuzeo dopredsjedavajući Vibor Handžić.

U otvorenoj diskusiji učestvovali su zastupnici: *Mahir Dević, Mersiha Mehmedagić, Marijela Hašimbegović, Sanela Klarić, Vedrana Vujović, Elza Gaković, Rusmir Pobrić, Jasmin Šaljić, Muamer Bandić i Elvedin Okerić*.

U međusobnom repliciranju učestvovali su zastupnici: *Mahir Dević – Mersiha Mehmedagić, Muamer Bandić – Mersiha Mehmedagić, Miomirka Melank – Mahir Dević, Mahir Dević – Sanela Klarić, Vedrana Vujović, Muamer Bandić – Mahir Dević, Marijela Hašimbegović – Mahir Dević, Mahir Dević – Miomirka Melank, Vildana Bešlija – Muamer Bandić, Jelena Pekić – Muamer Bandić, Mahir Dević – Elvedin Okerić, Muamer Bandić – Elvedin Okerić.*

Ispravke krivog navoda imali su zastupnici: *Sanela Klarić i Mahir Dević.*

U međuvremenu predsjedavanje sjednicom je ponovo preuzeo predsjedavajući Okerić.

Pošto je iscrpljena diskusija, predsjedavajući je istu zaključio.

Zatim je na zahtjev Kluba zastupnika Stranke za Bosnu i Hercegovinu izglasana pauza od 90 minuta za ručak, većinom glasova (s 23 glasa „za“, 1 glas „protiv“, i bez glasova „suzdržan“).

NASTAVAK NAKON PAUZE

U nastavku nakon pauze, predsjedavajući je pozvao zastupnike da se izjasne o dva dostavljena amandmana Kluba zastupnika Demokratske fronte.

Na osnovu rezultata glasanja, predsjedavajući je konstatovao da Amandman I nije dobio potrebnu većinu (s 5 glasova „za“, 6 glasova „protiv“ i 13 glasova „suzdržan“).

Na osnovu rezultata glasanja, predsjedavajući je konstatovao da Amandman II nije dobio potrebnu većinu (s 6 glasova „za“, 4 glasa „protiv“ i 15 glasova „suzdržan“).

Zatim je predsjedavajući pozvao zastupnike da se izjasne o Prijedlogu zakona.

Na osnovu rezultata glasanja, predsjedavajući je konstatovao da je Skupština većinom glasova donijela Zakon o novčanim poticajima u poljoprivredi, ruralnom razvoju na području Kantona Sarajevo (s 19 glasova „za“, bez glasova „protiv“ i 5 glasova „suzdržan“).

Realizacija tačke osam dnevnog reda.

AD-8.

Nacrt zakona o zakupu poslovnog prostora

Zastupnici su materijal dobili uz poziv za sjednicu. U ime Predlagača, uvodno izlaganje podnio je ministar privrede, Zlatko Mijatović.

Pitanja za Predlagača materijala imali su zastupnici: *Muamer Bandić, Vedrana Vujović, Marijela Hašimbegović i Samir Avdić.*

Na zahtjev ministra Mijatovića, predsjedavajući je dao desetominutnu pauzu.

U nastavku nakon pauze ministar Zlatko Mijatović je ponudio odgovore zastupnicima.

U diskusiji koja je potom uslijedila učestvovali su zastupnici: *Marijela Hašimbegović, Vibor Handžić, Belma Kapo, Vedrana Vujović, Jelena Pekić, Samir Avdić, Haris Zahiragić, Faruk Kapidžić, Muamer Bandić, Mahir Dević i Jasmin Šaljić.*

Ispravke krivog navoda imali su zastupnici: *Mahir Dević i Miomirka Melank.*

Međusobno su replicirali zastupnici: *Jelena Pekić – Haris Zahiragić, Vibor Handžić – Haris Zahiragić, Mahir Dević – Haris Zahiragić, Samir Avdić – Mahir Dević.*

U toku diskusija nakratko je predsjedavanje sjednicom preuzela dopredsjedavajuća Jelena Pekić, a potom je ponovo preuzeo predsjedavajući Okerić.

Nakon što je konstatovao da su iscrpljene sve diskusije, predsjedavajući je predložio da Skupština po nacrtu Zakona o zakupu poslovnog prostora donose sljedeći **Zaključak**:

- 1. Utvrđuje se Nacrt Zakona o zakupu poslovnog prostora.*
- 2. Nacrt Zakona iz tačke 1. ovog zaključka stavlja se na javnu raspravu.*
- 3. Učesnici u javnoj raspravi su kantonalni organi uprave, jedinice lokalne samouprave, naučne i stručne ustanove, a trajat će 60 dana.*
- 4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, putem Ministarstva privrede Kantona Sarajevo, koje organizuje i provodi javnu raspravu.*
- 5. Vlada Kantona Sarajevo dužna je nakon provođenja javne rasprave Skupštini Kantona Sarajevo dostaviti prijedlog Zakona o zakupu poslovnog prostora, vodeći računa o primjedbama, prijedlozima, sugestijama i mišljenjima kroz izvještaj o provedenoj javnoj raspravi.*
- 6. Ovaj zaključak stupa na snagu danom donošenja.*

*Na osnovu rezultata pojedinačnog glasanja, predsjedavajući je konstatovao da je Skupština većinom glasova donijela gore navedeni **Zaključak** (s 20 glasova „za“, 4 glasa „protiv“ i 1 glas „suzdržan“).*

Po zaključivanju osme tačke Dnevnog reda, predsjedavajući je prekinuo zasjedanje Prvog nastavka 14. Radne sjednice Skupštine Kantona Sarajevo, napomenuvši da će zastupnici biti blagovremeno obaviješteni o nastavku iste. Iskoristio je priliku da uputi čestitku za nadolazeći mjesec ramazan svim vjernicima islamske vjeroispovijesti.

Broj: 01-04-3911/24
07.03.2024.godine
SARAJEVO

Zapisnik izradila:

Lejla Kadrić

SEKRETAR

SKUPŠTINE KANTONA SARAJEVO

Aida Zeković

PREDSJEDAVAJUĆI

SKUPŠTINE KANTONA SARAJEVO

Elvedin Okerić

ZAPISNIK
O RADU DRUGOG NASTAVKA 14. RADNE SJEDNICE SKUPŠTINE KANTONA SARAJEVO ODRŽANE 14.03.2024.GODINE SA POČETKOM RADA U 10,00 SATI

Drugi nastavak 14. Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici su prilikom otvaranja prisustvovalo 22 zastupnice i zastupnika. Izostanak sa sjednice su pravdali zastupnici: Danijela Kristić, Arijana Memić, Vildana Bešlija i Adi Kalem. Sjednici nisu prisustvovali zastupnici: Gavrankapetanović – Smailbegović Fatima, Pilav Ilijaz i Zuhrić Albin.

U skladu s naprijed iznesenim, prisustvo zastupnika Drugom nastavku 14. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Mehmedagić Mersiha
3. Okerić Elvedin
4. Pobrić Rusmir
5. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić Musić Vedrana

POLITIČKA ORGANIZACIJA GRAĐANA "NAŠA STRANKA"

1. Handžić Vibor
2. Klarić Sanela
3. Melank Miomirka

STRANKA ZA BOSNU I HERCEGOVINU

1. Bandić Muamer
2. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Gaković Elza
2. Hodžić Admela
3. Lemezani Redžo

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutne u sali, kao i predstavnicima medija koji prate rad sjednice.

Predsjedavajući je podsjetio zastupnike da su na prethodna dva zasjedanja obradili prvih osam tačaka, te ovo zasjedanje počinje realizacijom tačke devet Dnevnog reda.

AD-9.

Prijedlog odluke o stavljanju van snage Odluke o ličnom učešću osiguranih lica u troškovima korištenja zdravstvene zaštite i snošenju troškova liječenja na teritoriji Kantona Sarajevo

Zastupnici su materijal dobili uz poziv za sjednicu. Uvodno izlaganja u ime Predlagača je podnio ministar zdravstva, Enis Hasanović.

Obzirom da nije bilo prijavljenih zastupnika za postavljanje pitanja ili diskusiju, predsjedavajući je pozvao zastupnike da se izjasne o Prijedlogu navedene odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o stavljanju van snage Odluke o ličnom učešću osiguranih lica u troškovima korištenja zdravstvene zaštite i snošenju troškova liječenja na teritoriji Kantona Sarajevo (s 22 glasa „za“).

Realizacija tačke deset.

AD-10.

Prijedlog Odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo

Zastupnici su materijal za ovu tačku dobili uz poziv za sjednicu.

U svojstvu predsjedavajućeg Komisije za izbor, imenovanja i administrativna pitanja Skupštine KS, predsjedavajući Elvedin Okerić je podnio uvodno izlaganje.

Pitanja za Predlagača imao je zastupnik *Mahir Dević*. U otvorenoj diskusiji učestvovao je zastupnik *Mahir Dević*.

Po zaključivanju diskusija predsjedavajući je pozvao zastupnike da se izjasne o Prijedlogu odluke.

Na osnovu rezultata glasanja, predsjedavajući je konstatovao da je Skupština većinom glasova donijela Odluku o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo (s 18 glasova „za“, bez glasova „protiv“ i uz 2 glasa „suzdržan“).

Prije otvaranja naredne tačke, zastupnik Mahir Dević je imao poslovničku intervenciju, a zatim je tražio pauzu od pola sata u ime Kluba Stranke demokratske akcije.

NASTAVAK NAKON PAUZE

U nastavku nakon pauze prešlo se na realizaciju tačke jedanaest.

AD-11.

Prijedlog odluke o izmjeni Odluke o imenovanju predsjednika, zamjenika predsjednika i članova Odbora za javna priznanja Kantona Sarajevo

Zastupnici su materijal za ovu tačku dobili uz poziv za sjednicu.

U svojstvu predsjedavajućeg Komisije za izbor, imenovanja i administrativna pitanja Skupštine KS, predsjedavajući Elvedin Okerić je podnio uvodno izlaganje.

Nije bilo prijavljenih zastupnika za postavljanje pitanja, a u diskusiji je učestvovao zastupnik Mahir Dević koji je izvijestio da je Klub SDA zauzeo stav da zastupnica Smiljana Viteškić neće učestvovati u radu Odbora za javna priznanja KS.

U međusobnom repliciranju učestvovali su zastupnici: *Mahir Dević, Elvedin Okerić, Aljoša Čampara, Smiljana Viteškić, Miomirka Melank, Vibor Handžić i Muamer Bandić*.

Ispravke krivog navoda koristili su zastupnici: *Aljoša Čampara i Muamer Bandić*.

Nakon što su diskusije iscrpljene, predsjedavajući je pozvao zastupnike da se izjasne o Prijedlogu navedene odluke.

Na osnovu rezultata pojedinačnog glasanja, predsjedavajući je konstatovao da je Skupština većinom glasova donijela Odluku o izmjeni Odluke o imenovanju predsjednika, zamjenika predsjednika i članova Odbora za javna priznanja Kantona Sarajevo (s 18 glasova „za“, 6 glasova „protiv“ i uz 3 glasa „suzdržan“).

Realizacija tačke dvanaest.

AD-12.

Prijedlog Odluke o davanju saglasnosti na zaključivanje Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalazi u sklopu Informativno-edukacionog centra na Bijambarama, između ugovornih strana: Kantonalne javne ustanove za zaštićena prirodna područja Kantona Sarajevo kao zakupodavca i Ugostiteljske radnje "OAZA-DINO B" kao zakupca, koji je izabran putem Javnog oglasa

Zastupnici su prijedlog odluke dobili u dopunskom materijalu. Uvodno izlaganje u svojstvu Predlagača podnio je direktor KJU za zaštićena prirodna područja KS, Asad Jelešković.

Pitanja za Predlagača ima li su zastupnici: *Mahir Dević i Marijela Hašimbegović* na koja im je direktor Jelešković odmah ponudio odgovore.

U diskusiji je učestvovao zastupnik *Mahir Dević*.

U međusobnom repliciranju učestvovali su zastupnici: *Davor Čičić i Mahir Dević*.

Po zaključivanju diskusija predsjedavajući je pozvao zastupnike da se izjasne o Prijedlogu navedene odluke.

Na osnovu rezultata pojedinačnog glasanja, predsjedavajući je konstatovao da je Skupština većinom glasova donijela Odluku o davanju saglasnosti na zaključivanje Ugovora o zakupu poslovnog prostora (restorana) i otvorenog prostora ispred objekta (ljetne bašte) koji se nalazi u sklopu Informativno-edukacionog centra na Bijambarama, između ugovornih strana: Kantonalne javne ustanove za zaštićena prirodna područja Kantona Sarajevo kao zakupodavca i Ugostiteljske radnje "OAZA-DINO B" kao zakupca, koji je izabran putem Javnog oglasa (s 18 glasova „za“, 7 glasova „protiv“ i uz 2 glasa „suzdržan“).

Na zahtjev Kluba zastupnika Stranke za Bosnu i Hercegovinu data je polusatna pauza.

NASTAVAK NAKON PAUZE

Realizacija tačke trinaest.

AD-13.

Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o zasnivanju prava građenja na nekretnini označenoj kao k.č. broj 2182/160 gradilište ukupne površine 286 m² z.k. ul. broj 3375 K.O SP_Kijevo koji namjeravaju zaključiti Zavod za izgradnju Kantona Sarajevo kao vlasnik opterećene nekretnine i Grad Sarajevo kao nosilac prava građenja, bez naknade

Zastupnici su materijal dobili u dopuni dnevnog reda. Uvodno izlaganje u svojstvu Predlagača podnio je pomoćnik direktora Zavoda za izgradnju KS, Damir Konjičanin.

Obzirom da nije bilo prijavljenih zastupnika za postavljanje pitanja ili diskusiju, predsjedavajući je zaključio diskusije i pozvao zastupnike da se izjasne o ponuđenom Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o davanju saglasnosti Zavodu za izgradnju Kantona Sarajevo za zaključivanje Ugovora o zasnivanju prava građenja na nekretnini označenoj kao k.č. broj 2182/160 gradilište ukupne površine 286 m² z.k. ul. broj 3375 K.O SP_Kijevo koji namjeravaju zaključiti Zavod za izgradnju Kantona Sarajevo kao vlasnik opterećene nekretnine i Grad Sarajevo kao nosilac prava građenja, bez naknade, (s 22 glasa „za“).

Realizacija tačke četrnaest.
AD-14.

Prijedlog Odluke o davanju saglasnosti na Program rada i Finansijski plan Javne ustanove „Fond Memorijala Kantona Sarajevo“ za 2024. godinu

Zastupnici su materijal dobili uz poziv za sjednicu. Uvodno izlaganje je podnio direktor JU Fond Memorijala KS, Ahmet Kulanić.

Pitanja za Predlagača su imali zastupnici: *Marijela Hašimbegović, Muamer Bandić i Jasmin Šaljić.*

U otvorenoj diskusiji učestvovali su zastupnici: *Faruk Kapidžić i Marijela Hašimbegović.*

Ispravke krivih navoda imali su zastupnici: *Elvedin Okerić, Marijela Hašimbegović i Faruk Kapidžić.*

Poslovničke intervencije imao je zastupnik *Elvis Vreto.*

U toku diskusija predsjedavajući je dao pauzu na zahtjev Kluba zastupnika Stranke demokratske akcije.

NASTAVAK NAKON PAUZE

U nastavku se nastavilo s razradom tačke.

Ispravke krivog navoda imali su zastupnici: *Haris Zahiragić i Mahir Dević.*

Poslovničke intervencije imali su zastupnici: *Elvis Vreto, Haris Zahiragić, Mahir Dević, Muamer Bandić, Elvedin Okerić i Belma Kapo.*

U diskusiji su učestvovali zastupnici: *Faruk Selmanović, Mersiha Mehmedagić, Smiljana Viteškić, Mahir Dević, Muamer Bandić, Haris Zahiragić, Jasmin Šaljić, Damir Marjanović i Davor Čičić.*

Replike su imali zastupnici: *Mahir Dević, Elvedin Okerić i Mersiha Mehmedagić.*

Zaključivši raspravu predsjedavajući je pozvao zastupnike da se izjasne o Prijedlogu navedene odluke.

*Na osnovu rezultata glasanja, predsjedavajući je konstatovao da je **Skupština većinom glasova donijela Odluku o davanju saglasnosti na Program rada i Financijski plan Javne ustanove Fond Memorijala Kantona Sarajevo za 2024.godinu** (s 18 glasova „za“, 9 glasova „protiv“ i 1 glas „suzdržan“).*

Potom je predsjedavajući obavijestio zastupnike da, uz konsultacije sa svojim zamjenicima, prekida Drugi nastavak 14. Radne sjednice Skupštine Kantona Sarajevo i napomenuo da će zastupnici biti blagovremeno obaviješteni o nastavku sjednice.

Broj: 01-04-3911/24
14.03.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

ZAPISNIK
O RADU TREĆEG NASTAVKA 14. RADNE SJEDNICE SKUPŠTINE KANTONA SARAJEVO ODRŽANE 27.05.2024.GODINE SA POČETKOM RADA U 09,00 SATI

Treći nastavak 14 Radne sjednicu Skupštine Kantona Sarajevo otvorio je predsjedavajući Elvedin Okerić (u daljem tekstu predsjedavajući).

Sjednici je prilikom otvaranja prisustvovalo 24 zastupnica i zastupnika, dok su se ostali priključili u toku zasjedanja. Izostanak sa sjednice opravdali su zastupnici: Elza Gaković, Sanela Klarić i Ilijaz Pilav, dok je kašnjenje najavio zastupnik Faruk Selmanović. Sjednici nije prisustvovao zastupnik Adi Kalem.

U skladu s naprijed iznesenim, prisustvo zastupnika Trećem nastavku 14. Radne sjednice je bilo sljedeće:

SDA - STRANKA DEMOKRATSKE AKCIJE

1. Dević Mahir
2. Izetbegović Sebija
3. Kapidžić Faruk
4. Selmanović Faruk
5. Viteškić Smiljana
6. Zahiragić Haris

POLITIČKA ORGANIZACIJA "NAROD I PRAVDA"

1. Čampara Aljoša
2. Kristić Danijela
3. Mehmedagić Mersiha
4. Okerić Elvedin
5. Pobrić Rusmir
6. Vreto Elvis

SOCIJALDEMOKRATSKA PARTIJA BOSNE I HERCEGOVINE

1. Avdić Samir
2. Čičić Davor
3. Kapo Belma
4. Pekić Jelena
5. Petrović Kristina
6. Vikić Musić Vedrana

POLITIČKA ORGANIZACIJA GRAĐANA "NAŠA STRANKA"

1. Bešlija Vildana
2. Handžić Vibor
3. Melank Miomirka

STRANKA ZA BOSNU I HERCEGOVINU

1. Bandić Muamer
2. Gavrankapetanović-Smailbegović Fatima
3. Šaljić Jasmin

DEMOKRATSKA FRONTA

1. Hašimbegović Marijela
2. Vujović Vedrana
3. Zuhrić Albin

POLITIČKA ORGANIZACIJA/INICIJATIVA “ZA NOVE GENERACIJE”

1. Marjanović Damir

SAMOSTALNI ZASTUPNICI

1. Hodžić Admela
2. Lemezan Redžo
3. Memić Arijana

Nakon intoniranja državne himne, predsjedavajući je pozvao zastupnice i zastupnike da odaju počast pripadnicima Armije R BiH i MUP-a R BiH koji su dali svoje živote u odbrani od agresije na Bosnu i Hercegovinu, svako na svoj način.

Potom je uputio pozdrave zastupnicama i zastupnicima u Skupštini Kantona Sarajevo, članovima Vlade Kantona Sarajevo, svim prisutnim u sali, kao i predstavnicima medija koji prate rad sjednice.

Predsjedavajući je podsjetio zastupnike da je na prethodna tri zasjedanju obrađeno prvih četrnaest tačaka dnevnog reda, tako da ovaj nastavak započinje tačkom petnaest Dnevnog reda, koja glasi:

AD-15.

Prijedlog o izmjenama Odluke o obaveznoj preventivnoj sistematskoj deratizaciji na području Kantona Sarajevo

Zastupnici su navedeni materijal dobili uz poziv za sjednicu. Uvodno izlaganje je podnio ministar zdravstva, Enis Hasanović.

Pitanja za ministra imao je zastupnik Haris Zahiragić, kojem je ministar Hasanović odmah odgovorio.

U otvorenoj diskusiji su učestvovali zastupnici: *Haris Zahiragić, Faruk Kapidžić, Mahir Dević, Belma Kapo, Samir Avdić, Jelena Pekić, Mersiha Mehmedagić, Muamer Bandić, Faruk Selmanović i Jasmin Šaljić.*

Replike su imali zastupnici: *Mahir Dević- Haris Zahiragić, Vedrana Vikić Musić – Mahir Dević, Faruk Kapidžić, Muamer Bandić- Samir Avdić, Faruk Kapidžić-Samir Avdić, Haris*

Zahiragić – Jelena Pekić, Haris Zahiragić – Mersiha Mehmedagić, Samir Avdić – Muamer Bandić, Haris Zahiragić – Samir Avdić.

Ispravke krivih navoda imali su zastupnici: *Samir Avdić, Faruk Kapidžić i Muamer Bandić.*

Po zaključivanju rasprava, predsjedavajući je pozvao zastupnike da se izjasne o ponuđenom Prijedlogu odluke.

Na osnovu rezultata pojedinačnog glasanja, konstatovano je da je Odluka o izmjenama Odluke o obaveznoj preventivnoj sistematskoj deratizaciji na području Kantona Sarajeva dobila potrebnu većinu glasova, (s 20 glasova „za“, 7 glasova „protiv“ i 1 glas „suzdržan“).

Realizacija tačke šesnaest.

AD-16.

Prijedlog odluke o davanje naziva novoizgrađenoj ulici na području Općina Centar Sarajevo - MZ "Hrastovi-Mrkovići" u novi naziv: ulica "Hajrudina Ivazovića-Bebana"

Zastupnici su materijal dobili uz poziv za sjednicu, a uvodne napomene u ime Predlagača je podnio zastupnik Elvis Vreto, kao predsjedavajući Komisije za obilježavanje, čuvanje i njegovanje historijskih događaja i ličnosti Skupštine Kantona Sarajevo.

Nije bilo prijavljenih za postavljanje pitanja ili diskusiju, te je predsjedavajući pozvao zastupnike da se izjasne o navedenom Prijedlogu odluke.

Na osnovu rezultata glasanja, konstatovano je da je Skupština jednoglasno donijela Odluku o davanje naziva novoizgrađenoj ulici na području Općina Centar Sarajevo - MZ "Hrastovi-Mrkovići" u novi naziv: ulica "Hajrudina Ivazovića-Bebana", (s 28 glasova „za“).

Realizacija tačke sedamnaest.

AD-17.

Prijedlog odluke o promjeni naziva dijela ulice na području Općina Centar Sarajevo - MZ "Hrastovi-Mrkovići" u novi naziv: ulica "Elvisa Husakovića Elija"

Zastupnici su materijal dobili uz poziv za sjednicu, a uvodne napomene su podnesene u prethodnoj tački, tako da su zastupnici smatrali da iste nisu potrebne.

Nije bilo prijavljenih za postavljanje pitanja ili diskusiju, te je predsjedavajući pozvao zastupnike da se izjasne o navedenom Prijedlogu odluke.

Na osnovu rezultata glasanja, predsjedavajući je konstatovao da je Skupština jednoglasno donijela Odluku o promjeni naziva dijela ulice na području Općina Centar Sarajevo - MZ "Hrastovi-Mrkovići" u novi naziv: ulica "Elvisa Husakovića Elija", (s 29 glasova „za“).

Realizacija tačke osamnaest.

AD-18.

Izveštaj Ministarstva saobraćaja Kantona Sarajevo o utvrđivanju broja slobodnih dopunskih taksi oznaka

Zastupnici su materijal dobili uz poziv za sjednicu. Uvodne napomene u ime Predlagača materijala podnio je pomoćnik ministra saobraćaja, Muamer Kukan.

Pitanja za Predlagača su imali zastupnici: *Haris Zahiragić i Jasmin Šaljić*, na koja im je pomoćnik ministra Kukan, odmah odgovorio.

U otvorenoj diskusiji učešće su uzeli zastupnici: *Haris Zahiragić i Jasmin Šaljić*.

Zaključivši diskusiju predsjedavajući je pozvao zastupnike da se izjasne o sljedećem prijedlogu *Zaključka*:

1. *Usvaja se Izveštaj Ministarstva saobraćaja Kantona Sarajevo broj dopunskih taksi oznaka u Kantona Sarajevu u 2023. godini*
2. *Utvrđuje se da nema slobodnih dopunskih taksi oznaka za dodjelu u 2024. godini i*
3. *Utvrđuje se da su ispunjeni uslov za dodjelu 4 dopunske taksi oznake za prijevoz lica sa invaliditetom u 2024. godini.*

Na osnovu rezultata glasanja predsjedavajući je konstatovao da je Skupština većinom glasova donijela navedeni Zaključak, (s 23 glasa „za“, bez glasova „protiv“ i 5 glasova „suzdržan“).

Potom je predsjedavajući predložio pauzu za ručak od 90 minuta, što su zastupnici jednoglasno prihvatili (25 glasova „za“.)

NASTAVAK NAKON PAUZE

Realizacija tačke devetnaest

AD-19.

Izveštaj o poslovanju Kantonalnog javnog preduzeća “Veterinarska stanica” d.o.o. Sarajevo za 2021. godinu

Zastupnici su materijal dobili uz poziv za sjednicu. Smatrali su da nema potrebe za uvodnim izlaganjima.

Pitanja za predlagača je imala zastupnica *Marijela Hašimbegović* na koje joj je odgovor dala direktorica Kantonalne veterinarske stanice, *Nasiha Spahić*.

Nije bilo prijavljenih za diskusiju, te je predsjedavajući pozvao zastupnike da se izjasne o ponuđenom Izveštaju.

Na osnovu rezultata glasanja, predsjedavajući je konstatovao da je Izveštaj o poslovanju Kantonalnog javnog preduzeća “Veterinarska stanica” d.o.o. Sarajevo za 2021. godinu dobio jednoglasnu podršku (uz 20 glasova „za“).

Realizacija tačke dvadeset.

AD- 20.

Izveštaj o poslovanju Kantonalnog javnog preduzeća “ZOI '84” Olimpijski centar Sarajevo d.o.o. Sarajevo za 2022. godinu

Zastupnici su Izveštaj dobili uz poziv za sjednicu. U ime predstavnika Predlagača uvodno izlaganje je podnio direktor KJKP ZOI'84, Jasmin Mehić.

Pitanja za predstavnika Predlagača imali su zastupnici: *Marijela Hašimbegović, Vedrana Vujović, Admela Hodžić i Jasmin Šaljić*, na koja im je direktor Mehić odmah ponudio odgovore.

U diskusiji su učestvovalе zastupnice *Marijela Hašimbegović, Admela Hodžić, Jasmin Šaljić i Davor Čičić*.

Po zaključivanju diskusija dopredsjedavajuća Jelena Pekić, koja je u međuvremenu preuzela predsjedavanje sjednicom, dala je polusatnu pauzu na zahtjev Kluba zastupnika Naroda i pravde.

NASTAVAK NAKON PAUZE

U nastavku nakon pauze, predsjedavajući je pozvao zastupnike da se izjasne o ponuđenom Izveštaju.

Na osnovu rezultata glasanja, predsjedavajući je konstatovao da je Izveštaj o poslovanju Kantonalnog javnog preduzeća “ZOI '84” Olimpijski centar Sarajevo d.o.o. Sarajevo za 2022. godinu dobio potrebnu većinu, (uz 19 glasa „za“, 1 glas „protiv“ i 2 glasa „suzdržan“).

Realizacija tačke dvadeset i jedan.

AD-21.

Izveštaj o poslovanju Kantonalnog javnog preduzeća „Poljoprivredno dobro Butmir” d.o.o. Sarajevo-Ilidža za 2022. godinu

Zastupnici su materijal dobili uz poziv za sjednicu. Uvodno izlaganje je podnijela direktorica KJP PD Butmir, Snježana Ljubunčić.

Obzirom da nije bilo prijavljenih zastupnika za pitanja i diskusiju, predsjedavajući je pozvao zastupnike da se izjasne o ponuđenom Izveštaju.

Na osnovu rezultata glasanja, predsjedavajući je konstatovao da je Izveštaj o poslovanju Kantonalnog javnog preduzeća „Poljoprivredno dobro Butmir” d.o.o. Sarajevo-Ilidža za 2022. godinu jednoglasno usvojen, (s 22 glasa „za“).

Realizacija tačke dvadeset i dva.

AD-22.

Izveštaj o radu Vlade Kantona Sarajevo za period od 01.01.2022. godine do 31.12.2022. godine

Zastupnici su materijal dobili uz poziv za sjednicu. Uvodno izlaganje je podnio premijer Kantona Sarajevo i Nihad Uk.

Nije bilo prijavljenih zastupnika za postavljanje pitanja, a u diskusiji su učestvovali: *Haris Zahiragić, Marijela Hašimbegović, Vedrana Vujović, Faruk Kapidžić i Jasmin Šaljić,*

U međusobnom repliciranju učestvovali su zastupnici: *Elvedin Okerić – Haris Zahiragić i Haris Zahiragić – Jasmin Šaljić.*

Zaključivši diskusije, predsjedavajući je pozvao zastupnike da se izjasne o ponuđenom Izvještaju.

*Na osnovu rezultata glasanja, predsjedavajući je konstatovao da je **Skupština većinom glasova usvojila Izvještaj o radu Vlade Kantona Sarajevo za period od 01.01.2022. godine do 31.12.2022. godine** (s 19 glasova „za“, 4 glasa „protiv“ i 1 glas „suzdržan“)*

Predsjedavajući je konstatovao da su iscrpljene sve tačke dnevnog reda 14. Radne sjednice, te se zahvalio se zastupnicima na radu.

Broj: 01-04-3911/24
27.05.2024.godine
SARAJEVO

Zapisnik izradila:

Lejla Kadrić

SEKRETAR
SKUPŠTINE KANTONA SARAJEVO

Aida Zeković

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.